



АКАФИСТНИК

Сборник Акафистник

Текст предоставлен правообладателем

http://www.litres.ru/pages/biblio_book/?art=63817626

Акафистник: Издательство Сретенского монастыря; Москва; 2015

ISBN 978-5-7533-1088-0

Аннотация

Тексты всех акафистов настоящего издания соответствуют текстам, полученным из Издательского совета Русской Православной Церкви и рекомендованным к публикации.

В формате PDF A4 сохранен издательский макет.

Содержание

Акафист	8
Акафист	21
Акафист	36
Акафист	51
Акафист	66
Акафист	85
Акафист	102
Конец ознакомительного фрагмента.	115



АКАФИСТНИК

5-е издание, исправленное



Издательство
Сретенского монастыря
Москва
2015


Акафистник

5-е издание, исправленное

Рекомендовано к публикации Издательским советом Русской Православной Церкви

ИС Р15-545-3692

Тексты всех акафистов настоящего издания соответствуют текстам, полученным из Издательского совета Русской Православной и рекомендованным к публикации



Акафист Сладчайшему Господу нашему Иисусу Христу



Кондак 1

Взбранный Воеводо и Господи, а́да победителю, я́ко из-
бавлься от вѣчныя смѣрти, похвальная восписую Ти, со-

здáние и раб Твой; но ꙗко имѣѣѣ милосѣрдїе неизречѣнное, от всѣѣх мя бед свободї, зовѣща: Иисѣсе, Сѣне Бѣжїй, помїлуй мя.

Икос 1

Ангелов Творче и Гѣсподи сил, отвѣрзи ми недоумѣнный ум и язык на похвалѣ пречїстаго Твоего їмене, ꙗкоже глухѣму и гугнївому дрѣвле слух и язык отвѣрзл есї, и глаголаше зовѣй таковѣя: Иисѣсе пречѣдннїй, ангелов удивлѣние; Иисѣсе пресїльный, прародїтелей избавлѣние. Иисѣсе преслѣдкїй, патриѣрхов величѣние; Иисѣсе преслѣвннїй, вѣрных укреплѣние. Иисѣсе прелюбїмый, прорѣков исполнѣние; Иисѣсе предївннїй, мѣчеников крѣпосте. Иисѣсе претїхїй, монахов радосте; Иисѣсе премїлостивнїй, пресвїтеров слѣдосте. Иисѣсе премилосѣрднїй, пѣстников воздержѣние; Иисѣсе преслѣдостннїй, преподѣбных радѣвание. Иисѣсе пречестннїй, дѣвственннх целомѣдрїе; Иисѣсе предвѣчннїй, грѣшников спасѣние. Иисѣсе, Сѣне Бѣжїй, помїлуй мя.

Кондак 2

Вїдѣя вдовїцу зѣльне плѣчущую, Гѣсподи, ꙗкоже тогда умилогѣрдївсѣя, сѣна еѣ на погребѣние несѣма воскресїл

еси: сйце и о мене умилосёрдися, Человеколюбче, и грехами умерщвлённую мою дýшу воскресй, зовýщую: Аллилуиа.

Икос 2

Разум неуразумённый разумёти Филипп ищá: «Гóсподи, покажй нам Отцá», – глаголаше; Ты же к нему: «Толикое время сый со Мною, не познал ли еси, я́ко Отец во Мне, и Аз во Отцё есмь?» Тёмже, Неизслéдованне, со страхом зову Ти: Иисýсе, Бóже предвёчный; Иисýсе, Царю пресильный. Иисýсе, Влады́ко долготерпеливый; Иисýсе, Спа́се премилостивый. Иисýсе, хранителю мой преблагй; Иисýсе, очисти грехй моя. Иисýсе, отымй беззакония моя; Иисýсе, отпусти неправды моя. Иисусе, надёждо моя, не оста́ви менé; Иисýсе, помощниче мой, не отри́ни менé. Иисýсе, Создáтелю мой, не забуди менé; Иисýсе, Па́стырю мой, не погубй менé. Иисýсе, Сы́не Бóжий, помилуй мя.

Кондак 3

Си́лою свýше апóстолы облекй, Иисýсе, во Иерусали́ме седя́щая, облецы́ и менé, обнажённого от всякаго благотворéния, теплотою Дýха Свята́го Твоего́ и даждь ми с любóвию пéти Тебé: Аллилуиа.

Икос 3

Имѣяй богѣтство милосѣрдия, мытарѣ, и грѣшники, и неvěрныя призвал еси, Иисусе; не презри и менѣ ныне, подобнаго им, но ꙗко многоцѣнное миро, приими песнь сию: Иисусе, сило непобѣдимая; Иисусе, милосте безконечная. Иисусе, красотѣ пресвѣтлая; Иисусе, любы неизреченная. Иисусе, Сыне Бога живаго; Иисусе, помилуй мя грешнаго. Иисусе, услыши мя, в беззаконіих зачатого; Иисусе, очисти мя, во гресѣх рожденнаго. Иисусе, научи мя, непотребнаго; Иисусе, освети мя, темнаго. Иисусе, очисти мя, сквернаго; Иисусе, возведи мя, блуднаго. Иисусе, Сыне Божий, помилуй мя.

Кондак 4

Бѹрю внутрь имѣяй помышлений сумнительных, Петр утопаше; узрѣв же во плоти Тя суща, Иисусе, и по водам ходяща, позна Тя Бога истиннаго, и руку спасенія получив, рече: Аллилуѣа.

Икос 4

Слыша слепый мимоходяща Тя, Господи, путѣм, вопи-

яше: «Иисусе, Сыне Давидов, помилуй мя!» И, призвав, от-
верзл еси очи его. Просвети убо милостию Твоею очи мыс-
ленные сердца и мене, вопиюща Ти и глаголюща: Иисусе,
вышних Создателю; Иисусе, нижних искупителю. Иисусе,
преисподних потребителю; Иисусе, всея твари украсителю.
Иисусе, души моея утешителю; Иисусе, ума моего просве-
тителю. Иисусе, сердца моего веселие; Иисусе, тела моего
здравие. Иисусе, Спасе мой, спаси мя; Иисусе, Свете мой,
просвети мя. Иисусе, муки всякия избави мя; Иисусе, спаси
мя недостойнаго. Иисусе, Сыне Божий, помилуй мя.

Кондак 5

Боготочною Кровию якоже искупил еси нас древле от за-
конныя клятвы, Иисусе, сие изми нас от сети, еюже змий
запят ны страстьми плотскими, и блудным наваждением, и
злым унынием, вопиюща Ти: Аллилуиа.

Икос 5

Видевше отроцы еврейстии во образе человечеством со-
здавшего рукою человека, и Владыку разумевше Его, пот-
щашася ветвми угодити Ему, осанна вопиюще. Мы же
песнь приносим Ти, глаголюще: Иисусе, Боже истинный;
Иисусе, Сыне Давидов. Иисусе, Царю преславный; Иисусе,

Агнче непорѣчный. Иисусе, Пастырю предивный; Иисусе, хранителю во младости моей. Иисусе, кормителю во юности моей; Иисусе, похвало в старости моей. Иисусе, надеждо в смерти моей; Иисусе, животё по смерти моей. Иисусе, утешение моё на суде Твоём; Иисусе, желание моё, не посрами менё тогда. Иисусе, Сыне Божий, помилуй мя.

Кондак 6

Проповедник богоносных вещание и глаголы исполняя, Иисусе, на земли явлься и с человеки невместимый пожил еси, и болезни наша подъял еси; отнюдуже ранами Твоими мы исцелёвше, пети невыкохом: Аллилуиа.

Икос 6

Возсия вселенней просвещение истины Твоея, и отгнася лесь бесовская: идоли бо, Спасе наш, не терпяще Твоея крепости, падоша. Мы же, спасение получивше, вопиём Ти: Иисусе, истино, лесь отгоняющая; Иисусе, свете, превышший всех светлостей. Иисусе, Царю, премогаый всех крепости; Иисусе, Боже, пребываый в милости. Иисусе, хлебе животный, насыти мя алчущаго; Иисусе, источниче разума, напои мя жаждущаго. Иисусе, одеждо веселия, одеи мя тленнаго; Иисусе, покрове радости, покрый мя недостойнаго.

Иисусе, пода́телю просящим, даждь ми плач за грехи́ моя; Иисусе, обрѣтение ищущим, обрящи́ ду́шу мою. Иисусе, отвѣрзителью толку́щим, отвѣрзи́ се́рдце мое́ окаянное; Иисусе, искупите́лю грѣшных, очисти́ беззаконія́ моя. Иисусе, Сы́не Божий, поми́луй мя.

Кондак 7

Хотя́ сокровѣнную та́йну от вѣка откры́ти, яко овча́ на за́колѣние ведѣн был еси́, Иисусе, и яко́ агнецъ́ прямо́ стригу́щаго его́ безгласен, и яко́ Бог из ме́ртвых воскрѣсл еси́, и со сла́вою на небеса́ возне́слся еси́, и нас совоздвигл еси́, зову́щих: Аллилу́иа.

Икос 7

Дивную́ показа́ тварь явля́йся Творе́ц нам: без се́мене от Де́вы воплоті́ся, из гроба́, печа́ти не руши́в, воскресе́ и ко апо́столом, двѣрем затворѣ́нным, с плоти́ю вни́де. Тѣм же чудя́щися, воспойм: Иисусе, сло́ве необы́менный; Иисусе, сло́ве несогладя́емый. Иисусе, си́ло непостижи́мая; Иисусе, му́дросте недо́мыслимая. Иисусе, Божество́ нео́писанное; Иисусе, господа́ство неисче́тное. Иисусе, ца́рство непобе́димое; Иисусе, вла́дычество безконѣ́чное. Иисусе, крѣ́посте высоча́йшая; Иисусе, вла́сте вѣ́чная. Иисусе, Тво́рче мой,

ущёдри мя; Иисусе, Спасе мой, спаси мя. Иисусе, Сыне Божий, помилуй мя.

Кондак 8

Странно Бога вочеловечшася видяще, устранимся суетнаго мира и ум на Божественная возложим. Сего бо ради Бог на землю сниде, да нас на небеса возведёт, вопиющих Ему: Аллилуиа.

Икос 8

Весь бе в нижних, и вышних никакоже отступил, неисчётный, егда волею нас ради пострадал, и смертью Своею нашу смерть умертвил, и воскресением живот дарова поющим: Иисусе, сладосте сердечная; Иисусе, крепосте телесная. Иисусе, светлосте душевная; Иисусе, быстрото умная. Иисусе, радости совестная; Иисусе, надеждо известная. Иисусе, памяти предвечная; Иисусе, похвало высокая. Иисусе, славо моя превознесённая; Иисусе, желание мое, не отрини мене. Иисусе, Пастырю мой, взыщи мене; Иисусе, Спасе мой, спаси мене. Иисусе, Сыне Божий, помилуй мя.

Кондак 9

Все естество а́нгельское безпреста́ни сла́вит пресвято́е
и́мя Твое́, Иису́се, на небеси́, Свят, Свят, Свят вопи́юще;
мы же, грѣшнии, на земли́ брѣнными устна́ми вопи́ем: Ал-
лилу́иа.

Икос 9

Ветии́ многовеща́ннии, я́коже ры́бы безгласни́и, ви́дим
о Тебе́, Иису́се, Спа́се наш: недоуме́ют бо глаго́лати, ка́ко
Бог непрело́жный и Чело́век соверше́нный пребыва́еши? Мы
же, та́инству дивя́щися, вопи́ем ве́рно: Иису́се, Бо́же пред-
вѣчный; Иису́се, Царю́ ца́рствующих. Иису́се, Влады́ко вла-
де́ющих; Иису́се, Судие́ живы́х и ме́ртвых. Иису́се, наде́ж-
до ненаде́жных; Иису́се, утеше́ние пла́чущих. Иису́се, сла́во
ни́щих; Иису́се, не осуди́ мя по деломъ мо́им. Иису́се, очисти́
меня по ми́лости Твое́й; Иису́се, отжени́ от мене́ уны́ние.
Иисусе́, просвети́ моя мы́сли серде́чныя. Иису́се, даждь ми
па́мьть сме́ртную. Иису́се, Сы́не Бо́жий, поми́луй мя.

Кондак 10

Спасти́ хотя́ мир, Восто́че восто́ком, к те́мному за́паду —

естествѹ нашему пришѣд, смирился еси до смѣрти; тѣмже превознесѣся имя Твое паче всякаго имени, и от всех колѣн небесных и земных слышиши: Аллилуѳа.

Икос 10

Царю Предвѣчный, Утѣшителю, Христѣ Истинный, очисти ны от всякия скверны, якоже очисти еси десять прокаженных, и исцели ны, якоже исцели еси сребролюбивую душу Закхеа мытаря, да вопиѣм Ти, во умиленіи зовуще: Иисусе, сокровище нетлѣнное; Иисусе, богатство неистощимое. Иисусе, пища крѣпкая; Иисусе, питіе неисчерпаемое. Иисусе, нищих одѣяние; Иисусе, вдов заступленіе. Иисусе, сирых защитниче; Иисусе, труждающихся помощи. Иисусе, страннх наставниче; Иисусе, плавающих кормчий. Иисусе, бурных утишише; Иисусе Бже, воздвигни мя падшаго. Иисусе, Сыне Бжій, помилуй мя.

Кондак 11

Пѣние всеумилѣнное приношу Ти, недостойный, вопию Ти, яко хананѳа: Иисусе, помилуй мя: не дочь бо, но плоть имам, страстьми люте бесящуюся и яростию палимую, и исцелѣние даждь вопиюще Ти: Аллилуѳа.

Икос 11

Светопода́тельна светильника сущим во тьме неразу́мня, прѣжде гоняй Тя Пáвел, богоразу́мнаго гла́са си́лу внуши́ и душе́вную бы́строту́ уясни́; си́це и менѣ тѣмныя зѣни́цы душе́вныя просвети́, зову́ща: Иису́се, Царю́ мой прекре́пкий; Иису́се, Бо́же мой преси́льный. Иису́се, Го́споди мой пребезсмер́тный; Иису́се, Созда́телю мой пресла́вный. Иису́се, На́ста́вниче мой предоб́рый; Иису́се, Па́стырю мой преще́дрый. Иису́се, Влады́ко мой премі́лостивый; Иису́се, Спа́се мой премилосе́рдый. Иису́се, просвети́ моя чу́вствия, потемне́нная страстьми́; Иису́се, исцели́ моѣ тѣло, острупле́нное грехми́. Иису́се, очисти́ мой ум от по́мыслов суетных; Иису́се, сохрани́ се́рдце моѣ от по́хотей лука́вых. Иису́се, Сы́не Бо́жий, поми́луй мя.

Кондак 12

Благода́ть пода́ждь ми, всех долго́в решите́лю, Иису́се, и приими́ мя ка́ющася, я́коже прия́л еси́ Петра́, отве́ргшагося Тебе́, и призови́ мя уныва́ющаго, я́коже дре́вле Па́вла, гоня́ща Тя, и услы́ши мя, вопию́ща Ти: Аллилу́иа.

Икос 12

Поюще Твое вочеловечение, восхваляем Тя вси, и веруем со Фомою, яко Господь и Бог еси, седяй со Отцем и хотяй судити живым и мертвым. Тогда убо сподоби мя деснаго стояния, вопиющаго: Иисусе, Царю предвечный, помилуй мя; Иисусе, цвете благовонный, облагоухай мя. Иисусе, теплото любимая,огрей мя; Иисусе, храме предвечный, покрый мя. Иисусе, одеждо светлая, украси мя; Иисусе, бисере честный, осияй мя. Иисусе, камению драгий, просвети мя; Иисусе, солнце правды, освети мя. Иисусе, свете святыи, облистай мя; Иисусе, болезни душевныя и телесныя избави мя. Иисусе, из руки сопротивныя изми мя; Иисусе, огня негасимаго и прочих вечных мук свободи мя. Иисусе, Сыне Божий, помилуй мя.

Кондак 13

О пресладкий и всещедрый Иисусе! Приими ныне малое моление сие наше, якоже приял еси вдовицы две лепте, и сохрани достояние Твое от враг видимых и невидимых, от нашествия иноплеменник, от недуга и глада, от всякия скорби и смертоносныя раны, и грядущия изми муки всех, вопиющих Ти: Аллилуиа.

Этот кондак читается трижды, затем 1-й икос: «Ангелов Творче...» и 1-й кондак: «Возбранный Воеводо...»

Молитва

Владыко Господи Иисусе Христе Боже мой, Иже неизреченнаго ради Твоего человеколюбия на конец веков во плоть оболкийся от Приснодевы Марии, славлю о мне Твое спасительное промысление, раб Твой, Владыко; песнословлю Тя, яко Тебе ради Отца познах; благословлю Тя, Егже ради и Дух Святыи в мир прииде; покланяюся Твоей по плоти Пречистой Матери, таковой страшной тайне послужившей; восхваляю Твоя ангельская ликостояния, яко воспеватели и служители Твоего величества; ублажаю Предтечу Иоанна, Тебе крестившаго, Господи; почитаю и провозвестившия Тя пророки, прославляю апостолы Твоя святыя; торжествую же и мученики, священники же Твоя славлю; покланяюся преподобным Твоим, и вся Твоя праведники пестунствую. Таковаго и толикаго многаго и неизреченнаго лика божественнаго в молитву привожу Тебе, всещедрому Богу, раб Твой, и сего ради прошу моим согрешением прощения, еже даруй ми всех Твоих ради святых, изряднее же святых Твоих щедрот, яко благословен еси во веки. Аминь.

Акафист Воскресению Христову



Кондак 1

Взбранный Воеводо, Господи небес и земли, победно благодарственное пение приносим Тебе, раби Твой, во ад ныне сшедшему и с Собой вся воскресившему, и наше избавление празднующе, светло вопиём: Христос воскрес из

мёртвых, смёртию смерть поправ и сущим во гробѣхъ живѡтъ даровав.

Икос 1

Ангелъ Господень, вѣчеръ субботный в трусе вѣлии сошедъ с небесѣ, отвали камень отъ двѣрий гроба Иисуса и сядяще на немъ. Отъ страха его сотрясошася стрегущи и быша яко мёртви. Мы же воскресшему живѡму Богу с мироносицами покланяемся и Пасху тайную благовествуемъ, вопиюще: Христосъ воскресе, и князи адстии падоша. Христосъ воскресе, и устрашишася вратницы адовы. Христосъ воскресе, и сокрушишася врата медная. Христосъ воскресе, и твердыни адовы положишася в заустѣние. Христосъ воскресе, и смерть рыдаетъ. Христосъ воскресе, и адъ, стѣня, вопиетъ: Христосъ воскресе изъ мёртвыхъ, смёртию смерть поправ и сущимъ во гробѣхъ живѡтъ даровав.

Кондак 2

Видяще Марія Магдалина, и Марія Иаковля, и Саломія юношу во гробѣ Иисусовѣ, одѣяна во одѣжду белую и сядяща в десныхъ, ужасошася. Онъ же глагола к нимъ: «Иисуса Распятаго ищите? Нестъ зде, востѣ бо, якоже рече. Приидите, видѣте мѣсто, идѣже лежѣ Господь, и скоро шѣдше рцыте ученикомъ

Егѡ: Христѡсъ воскресе изъ мѣртвыхъ, смѣртию смерть поправъ и сущимъ во гробѣхъ живѡтъ даровавъ».

Икос 2

Разумъ неразумеваемый разумѣти ищуще, Петр и другій ученикъ течаста ко гробу и, вшедше в онь, видеша ризы едины лежаща и сударь, иже бе на главѣ Иисусове, не с ризами лежащ, но особь свит на едином мѣсте, веровавшие же, возопиша с веселием: Христѡсъ воскресе, и вся тварь радуется. Христѡсъ воскресе, небеса да веселятся. Христѡсъ воскресе, и сликовствуютъ намъ ангели. Христѡсъ воскресе, и просветишася преисподняя. Христѡсъ воскресе, воспойте праведныхъ дѹши, изъ ада свободждшеся. Христѡсъ воскресе, воскликнемъ с веселиемъ, от смѣрти спасѣнии. Пойте же Господеву вся земля: Христѡсъ воскресе изъ мѣртвыхъ, смѣртию смерть поправъ и сущимъ во гробѣхъ живѡтъ даровавъ.

Кондак 3

Силою свѣше облече Господь Своя ученики по воскресѣнии. Тии же идѡша в Галилею, в гору, аможе повеле имъ Иисусъ, и пришедшимъ имъ глагола Иисусъ: «Дадѣся Ми всяка власть на Небесѣи и на землѣи. Шедше убо, научите вся языки, крестяще ихъ во имя Отца и Сына и Святаго Дѹха, учаще ихъ».

блѹсті вся, елика заповѣдах вам». Тѣи же поклонѣшася Емѹ, зовѹще: Христѹс воскресе из мѣртвых, смѣртию смерть поправ и сѹщим во гробѣх живѹт даровав.

Икос 3

Имѹщи в сѣрдце своемъ любовь к Учителью, Марїя Магдалина стояще у грѹба вне, плачущи, и Воставшаго из мѣртвых видящи, яко вертоградаря, вопрошаше: «Аще Ты еси взялъ Егѹ, повѣждь ми, где еси положилъ Егѹ, и аз возьмѹ Егѹ». Обаче, паче чаянїя, слышавши: «Марїе, восхождѹ ко Отцѹ Моемѹ и Отцѹ вѣшему и Бѹгу Моемѹ и Бѹгу вѣшему», прииде ко ученикомъ, глаголющи: Христѹс воскресе, и жало грехѹвное притупїся. Христѹс воскресе, и мир от потопа грехѹвнаго спасѣся. Христѹс воскресе, и мы от рабѹты врагѹ свободїхомся. Христѹс воскресе, и диаволѹ прельщенїе упразднїся. Христѹс воскресе, и бѣвшее на нас рукописанїе загладїся. Христѹс воскресе, и вся тварь обновїся, зовѹщи: Христѹс воскресе из мѣртвых, смѣртию смерть поправ и сѹщим во гробѣх живѹт даровав.

Кондак 4

Бѹрю помышлѣнїи сумнїтельныхъ внутрь имѣя, Фомѹ ученикомъ, глаголющимъ, яко видѣхомъ Гѹспода, рече имъ: «Аще не

увѣжу на руку Его язвы гвоздѣныя и вложу перста моего в язвы гвоздѣныя, и вложу руку в ребра Его, не иму веры», но, увѣрився, с весѣлием возопѣ: Христос воскресе из мѣртвых, смѣртию смерть поправ и сущим во гробѣх живот даровав.

Икос 4

Слышав Фома ученик, видевших Господа, и очима своими хотяи Того зрѣти, рече: «Не иму веры». По днѣх же осьмих прииде Иисус затворенным двѣрем, ста посреде ученик и глагола Фомѣ: «Принеси перст твой семо, и виждь рuce Мои, и принеси руку твою, и вложи в ребра Моя: и не буди неверен, но верен». И отвеща Фома, и рече: Христос воскресе, Ты еси Господь мой. Христос воскресе, Ты еси Бог мой. Христос воскресе, и вси нетлѣние и жизнь восприяхом. Христос воскресе, и мѣртвии восташа. Христос воскресе, и избавихомся осужденія и муки. Христос воскресе, и жизнь из гроба возсия миру поющему: Христос воскресе из мѣртвых, смѣртию смерть поправ и сущим во гробѣх живот даровав.

Кондак 5

Божества огнем не опалися Фома, ребро Спасово дерзновенно осязав. Паче же просветися, Бога, на спасение наше

воплоти́вшаяся и па́ки с плоти́ю воскресе́шаго, позна́в. Те́мже неве́рием своимъ блаже́нный близне́ц церко́вную ве́ру утвержда́ет, ю́же испове́дующе согла́сно вопи́ем: Христо́с воскресе́ из ме́ртвых, сме́ртию смерть попра́в и су́щим во гробе́х живо́т дарова́в.

Икос 5

Ви́девше Иису́са воскресе́ша, ученицы́ убо́яхуся, мня́ще дух ви́дети. Иису́с же, хотя́ уве́рити их, показа́ им ру́це и но́зе и ре́бра Сво́я, та́же ры́бы печены́ часть прие́м и от пчел сот пред ни́ми яде́. Тем уве́рившеся и страх свой и печа́ль свою́ отложи́вше, в ра́дости по́яху: Христо́с воскресе́, ху́ждшая воспри́им, и подаде́ нам лу́чшая. Христо́с воскресе́, и ад умертви́ся блиста́нием Божества́ Его́. Христо́с воскресе́, и тьма разруши́ся, и мра́чнии де́мони отгна́шася. Христо́с воскресе́, и истле́вшее страстьми́ челове́ческое естество́ обнови́ся. Христо́с воскресе́, и беззако́ния на́ша ту́не очи́стишася. Христо́с воскресе́, и мы вси, в нетле́ние обле́кшеся, песнь си́ю Ему́ прино́сим: Христо́с воскресе́ из ме́ртвых, сме́ртию смерть попра́в и су́щим во гробе́х живо́т дарова́в.

Кондак 6

Пропове́дники по воскресе́нии Твое́м в мир посыла́я, бо-

гонѡсныя апѡстолы Твоя, Христѣ, рекл еси им, дунув: «Примите Дух Свят. Имже отпустите грехи, отпустятся им; и имже держите, держатся». Тѣмже да́же и до днесь во всем ми́ре ча́да церко́вная, от грехѡв разреша́еми, сла́вят непреста́нно Твое́ милосѣ́рдие и душа́ми чи́стыми в ра́дости пою́т: Христѡс воскресе́ из ме́ртвых, сме́ртию смерть попра́в и су́щим во гробѣх живо́т дарова́в.

Икос 6

Возсия́л еси́, Христѣ, и во мра́чных удо́лиях а́да свет Твоего́ Воскресе́ния, прощѣ́ние и осла́бу, и избавле́ние благовеству́я, Многоми́лостиве, душа́м от ве́ка та́мо содержи́мым. Тѣмже от зми́я, человекоуби́йцы, исхища́еми, игра́юще, к свѣ́ту Твоему́ устреми́шася, пою́ще: Христѡс воскресе́, и у́зы на́ша разтерза́шася. Христѡс воскресе́, и сень сме́ртная в ве́чную жизнь преложи́ся. Христѡс воскресе́, и держа́ва сме́рти уже́ не возмо́жет держа́ти челове́ка. Христѡс воскресе́, и мучи́телева де́рзость низложи́ся. Христѡс воскресе́, и рай вме́сто а́да жи́ти нам дарова́ся. Христѡс воскресе́, и мир воспева́ет при́сно: Христѡс воскресе́ из ме́ртвых, сме́ртию смерть попра́в и су́щим во гробѣх живо́т дарова́в.

Кондак 7

Хотѣй падшему Адаму послужити, Спасе наш, на земли явился еси, и на земли того не обрет, даже до ада низшел еси ища, да, сретив Тя долу, в преисподних земли, со всеми спасаемыми поет: Христос воскресе из мертвых, смертию смерть поправ и сущим во гробех живот даровав.

Икос 7

Новья жизни начало положил еси миру, Господи, Твоим славным Воскресением. Ветхая бо вся мимоидоша: и ад, и смерть, и влстительство диавола. Свободна убо вся тварь познавается, и прежде омрачении, ныне яко сынове Божии, ликуют, поюще: Христос воскресе, бездну милости и щедрот излиав на род наш. Христос воскресе, в ров низпадших нас воздвигнувый с Собою. Христос воскресе, и мы от сетей демонских избавихомся. Христос воскресе, и горесть греха в сладость райския жизни преложися. Христос воскресе, и древом умерщвлении оживом. Христос воскресе, и нас возведе в прежнее достояние, да зовем: Христос воскресе из мертвых, смертию смерть поправ и сущим во гробех живот даровав.

Кондак 8

Странствуя с Клеопою и Лукою в весь, отстоящую стадий шестьдесят от Иерусалима, и не познан быв има, поносил еси, Спасе, неверствию их и жестосердию, глаголя: «Не сия ли подобаше пострадати Христу и внити в славу Свою?» И, начен от Моисея и от всех пророк, научил еси их пети: Христос воскресе из мертвых, смертию смерть поправ и сущим во гробех живот даровав.

Икос 8

Всего Себе, Бога суща и человека совершенна, преподал еси, Спасе, двема ученикома Твоима во Еммаусе, егда приимь хлеб, благословил еси и, преломив, дал еси има. Онема и отверзостеся очи, и познаста Тебе, Ты же невидимь бысть има, и рекоста к себе: Христос воскресе, и жизнь воцарися. Христос воскресе, и диаволя лесь обличися. Христос воскресе, и преста жертва идольская. Христос воскресе, и вся земля приносит Ему жертву хваления. Христос воскресе, и мы, вкусивше древле преслушаннаго брашна, ныне вкушаем пищи вечныя. Христос воскресе, и мы радости присносущныя причастницы бываем, поющи: Христос воскресе из мертвых, смертию смерть поправ и сущим во гробех жи-

вѣтъ даровавъ.

Кондак 9

Вси а́нгели, Христѣ Спа́се, Твое́ воскресе́ние пою́тъ на небеси́. Сподѡби и нас на земли́ чи́стым се́рдцем в весе́лии воспѣва́ти: Христѡс воскресе́ из ме́ртвых, сме́ртию смерть попра́в и су́щим во гробѣ́х живо́тъ дарова́в.

Икос 9

Вети́я всеми́рный и учи́тель язы́ков Па́вел богоглаго́ливый, я́ко труба́, вопи́ет: «Христѡс воскресе́ от ме́ртвых, нача́ток воста́ния уме́рших бы́сть. Якоже во Ада́ме вси умира́ют, тако́же и о Христѣ́ вси оживу́тъ». Те́мже воскресе́ние Христѡ́во ви́девши, в ра́дости вопи́ем: Христѡс воскресе́, и князь ми́ра низложи́ся. Христѡс воскресе́, и трепещет преиспо́дня. Христѡс воскресе́, и смерть пожѣ́рта бы́сть побѣдо́ю. Христѡс воскресе́, и ад пленѣ́н бы́сть Того́ держа́вою. Христѡс воскресе́, и свободи́хомся от а́довых неруши́мых уз. Христѡс воскресе́, и мы, из ислѣ́ния изба́вльшеся, сы́ны воскресе́ния яви́хомся, и поѣ́м: Христѡс воскресе́ из ме́ртвых, сме́ртию смерть попра́в и су́щим во гробѣ́х живо́тъ дарова́в.

Кондак 10

Спасти́ хотя́ род челове́ческий от рабо́ты вра́жия, распя́тие и сме́рть претерпе́л еси́, Го́споди, погребё́н же быв, в тре́тий день от ме́ртвых воста́л еси́. Тем же а́нгел, блиста́ясь во гробе́, благовеству́ет жена́м, глаго́ля: Христо́с воскресе́ из ме́ртвых, сме́ртию сме́рть попра́в и су́щим во гробёх живо́т дарова́в.

Икос 10

Тре́тие по воскресе́нии яви́ся Иису́с на мо́ри Тивериа́д-
stem ры́бу ловя́щим Си́мону Петро́у, и Фо́ме, и Нафана́илу, и
сыно́м Зеведе́евым со ине́ма от учени́к Его́ двема́ и, я́ко Вла-
ды́ка всех, повелева́ет мре́жу одесну́ю страну́ кора́бля вове́р-
щи́, и бысть сло́во де́ло вско́ре, и мно́гое рыб мно́жество, и
вече́ря страна́ гото́ва на земли́. Ея́ же ны́не мы́сленно насла-
ди́тися и нас сподо́би, Го́споди, пою́щих: Христо́с воскресе́,
и даде́ся Ему́ вла́сть на небеси́ и на земли́. Христо́с воскресе́,
и Ца́рство Бо́жие наста́. Христо́с воскресе́, и Те́ло Его́, я́ко
Хлеб Жи́зни, вси прие́млем. Христо́с воскресе́, и Кро́ви Его́,
я́ко Исто́чника Безсме́ртнаго, вкуша́ем. Христо́с воскресе́, и
Ада́м, свобожде́н, с на́ми лику́ет. Христо́с воскресе́, и Ева́, от
уз избавля́ема, ра́дуется, зову́щи: Христо́с воскресе́ из ме́рт-

вых, смёртию смерть попра́в и су́щим во гробѣх живѡт дарова́в.

Кондак 11

Пѣние всеумилѣнное приноша́ше воскрѣсшему Тебѣ, Петр, три́щи бо отве́ржеся Тебѣ, три́щи же и испове́дуя: «Го́споди, Ты вся ве́си, Ты ве́си, яко люблю́ Тя». Три́щи и слы́шит от Тебѣ сладча́йшее на па́ству па́ки призва́ние: «Паси́ а́гнцы Моя́, паси́ о́вцы Моя́». Тѣмже и зоветъ: Хри́сто́с воскресе́ из ме́ртвых, смёртию смерть попра́в и су́щим во гробѣх живѡт дарова́в.

Икос 11

Свѣта Подате́лю, якоже со́лнце, возсия́л еси́ тридне́вно от грѡба и вся просвети́л еси́ свѣтом и́стиннаго богопозна́ния. Тѣмже се́дящи во тьме неве́рия и сомне́ния уве́рихомся со апо́столы, яко Го́сподь еси́, и не истязу́ем уже́: «Ты кто еси́?» Но воскрѣсша́го Тя сла́вяще, во умилѣ́нии зове́м: Хри́сто́с воскресе́, и вся́ческая просвети́ Воскресе́нием Свои́м. Хри́сто́с воскресе́, и свет ве́чный возсия́ во тьме и се́ни сме́ртней се́дящим. Хри́сто́с воскресе́, и ве́рным подаде́ та́йно осе́няющее́ свы́ше Ду́ха сия́ние. Хри́сто́с воскресе́, и духо́вная очеса́ пре́жде слепы́х отверзо́шася. Хри́сто́с воскресе́, и мы

Отца́ светов позна́хом. Христо́с воскресе́, да посра́мятся вси отве́ргшиися Го́спода сла́вы и с на́ми да воспою́т: Христо́с воскресе́ из ме́ртвых, сме́ртию смерть попра́в и су́щим во гробе́х живо́т дарова́в.

Кондак 12

Благода́тию Твое́ю вся́кому челове́ку удо́бнейший путь спасе́ния указу́я, Христэ́, глаго́лал еси́ Си́мону Петро́у: «Егда́ состаре́ешися, возде́жеши ру́це твои́, и ин тя поя́шет и веде́т, а́може не хо́щеши», назна́менуя, ко́ею сме́ртию просла́вит Го́га. Возлю́бленному же ученику́ повеле́л еси́ пребыва́ти, до́ндеже приидеши. Те́мже, а́ще и разлучи́вшися апо́столи, оба́че сою́зом любви́ связу́еми, согла́сно воспева́ху: Христо́с воскресе́ из ме́ртвых, сме́ртию смерть попра́в и су́щим во гробе́х живо́т дарова́в.

Икос 12

Пою́ще Твое́ тридне́вное воскресе́ние, Христэ́, раду́емся Твое́му непрело́жному обеща́нию. С на́ми бо до сконча́ния ве́ка бы́ти обеща́лся еси́, от вся́кого зла нас избавля́я и к жи́зни ве́чной руково́дствуя. Сего́ ра́ди, сла́вяще Тя, вопие́м: Христо́с воскресе́, и мы вре́да вся́кого избавля́емся ны́не. Христо́с воскресе́, и нас одесну́ю Отца́ с Собо́ю посади́л есть.

Христосъ воскресе, и нас прича́стники вѣчныя славы Сво-
ея соде́ла. Христосъ воскресе, и дре́вле сокруши́вый пра́отца
сильный враг сокруши́ся. Христосъ воскресе, и со а́нгелы мы,
пре́жде отринове́ннии, водворя́емся. Христосъ воскресе, и с
Собо́ю вся воскреси́т, зову́щия: Христосъ воскресе из ме́рт-
вых, сме́ртию смерть попра́в и су́щим во гробе́х живо́т даро-
ва́в.

Кондак 13

О Па́сха ве́лия и свяще́нейшая, Христэ́ Иису́се, Спа-
си́телю наш, благода́рно испове́дуем спаси́тельную вели́кую
ми́лость Твою́, я́ко и па́ки сподо́бил еси́ нас, недосто́йных,
ны́не вкуси́ти ра́дости Све́тлаго Воскресе́ния Твоего́. Пода-
ва́й нам в невече́рнем дни Ца́рствия Твоего́ и́стее и совер-
ше́ннее Тебе́, Сладча́йшаго, причаща́тися, да со а́нгелы и
все́ми святы́ми во ве́ки веко́в пое́м вси ра́достно: Христосъ
воскресе из ме́ртвых, сме́ртию смерть попра́в и су́щим во
гробе́х живо́т дарова́в.

*Этот кондак читается трижды, затем 1-й икос: «А́нгел
Господе́нь...» и 1-й кондак: «Возбра́нный Воево́до...»*

Молитва

Воскресе́ние Христо́во ви́девше, поклони́мся Свято́му

Господу Иисусу, единому безгрешному. Кресту Твоему поклоняемся, Христэ, и Святое Воскресение Твое поём и славим: Ты бо еси Бог наш, разве Тебе иного не знаем, имя Твое именуем. Приидите, вси вернии, поклонимся Святому Христову Воскресению: се бо прииде Крестом радость всему миру. Всегда благословяще Господа, поём Воскресение Его: распятие бо претерпев, смерть разруши.

Акафист Кресту Христову



Кондак 1

Приидіте, христоименітїи людіе, составім похвалу
Честнóму Кресту́, на нем же Христóс, Царь Сла́вы, рúце рас-
простёр, возведé нас на пёрвое блажénство, из негó же низпа-
дóхом прéлестию змїевою. Ты же, о пресвяты́й Кресте́, я́ко

имѣяй присущую тебѣ силу Распятѣго Христа, спасай и сохраняй отъ всякихъ бѣдъ любовно зовущія ти: Радуйся, Честный Кресте, всерадостное знаменіе нашего искупленія.

Икос 1

Ангеловъ лица, яко Божіи служителие, Крестъ обстоюще, вѣдную страсть Христа Жизнодавца прославляютъ. Мы же страданіями Того вѣчныя смѣрти избавльшеся, подражая горнимъ силамъ, радостно зываемъ: Радуйся, Кресте, яко на тебѣ Христосъ Богъ нашъ, волю рѣце распростѣръ, спасеніе наше содѣла; радуйся, яко распростѣршимся на тебѣ Христомъ преступленіе Адама и Евы, простѣршихъ рѣце ко дрѣву запрещенному, упразднися. Радуйся, яко воздвѣжену бывшу на тебѣ, аки преступни, Законодавцу, дрѣвняя клятва, яже на насъ бывшая, потребися; радуйся, яко содѣявшимся на тебѣ, страннымъ таинствомъ родъ человѣческій отъ тли смѣртныя свободися. Радуйся, яко Пострадавшимъ и Умершимъ на тебѣ жало смѣрти сокрушися; радуйся, Того ради страданія Богъ съ человѣки примирися. Радуйся, Честный Кресте, всерадостное знаменіе нашего искупленія.

Кондак 2

Видя падшихъ человѣковъ, Господи, Ты вочеловѣчився,

крест и смерть вольно плотью претерпел еси за род наш, да от смерти вечныя избавиши исповедающих Тя, Сына Божия и вопиющих Ти: Аллилуиа.

Икос 2

Разум человек изнемогает в постижении велия тайны Твоего, Христэ, воплощения и вольного за ны страдания: како Ты, Бог сый безстрастный, страсть крестную, яко человек, претерпел еси и сие орудие смерти Твоея соделал еси источником жизни и спасения всем благочестно в Тя верующим и хвалебно воспевающим: Радуйся, Кресте, на нем же содеяся таинство, от века предопределенное; радуйся, яко на тебе совершися наше искупление, многообразне во образах и сенох предьявленное. Радуйся, яко умерый на тебе Жизнодавец, кровь и воду источи, ими же грехи наша омываются; радуйся, яко каплями святейшей крове Его греховныя струпы душ наших очищаются. Радуйся, Кресте, якоже древо животное, еже есть посреде рая Божия, христианом вожеленный; радуйся, плодами безсмертия умно нас питающий и надеждою жизни вечныя малодушие наше ободряющий. Радуйся, Честный Кресте, всерадостное знамение нашего искупления.

Кондак 3

Крест Твой, аще и древо видимо есть существомъ, но Божественною одеяно есть силою, и чувственное міра выявляемо, умно наше чудотворит спасение, подвизая пѣти Тебѣ: Аллилуѳа.

Икос 3

Имуще пред очима нашими Крест пресвятыѳ, святолѣпнымъ поклонѣниемъ той почитаемъ распѣннагося ради на немъ Спаса Христа, и, лобызая, взываемъ: Радуйся, Кресте, прославленный послушаніемъ и страданіемъ Христовымъ; радуйся, возвеличенный возвышеніемъ на тебѣ Сына Божія, Иже весь миръ от падѣнія Адамля воздвѣже. Радуйся, яко сбывшагося на тебѣ ужаснаго таинства земля ужасеся и вострепетаетъ, аки бы хотѣщи поглотити законопреступныя; радуйся, яко заклавшуся на тебѣ Агнцу Божию завѣса храма раздрася и жертва ветхозавѣтная упразднѣся. Радуйся, Кресте, яко распавшуся под тобою камню, каменносердечнии роди еврейстѣи неверіемъ от Бога отпадоша, благодати же священства и царства лишѣшася; радуйся, яко омрачившуся солнцу в страсти Христовой ночь многобожія прейде и свет веры возсия. Радуйся, Честный Кресте, всерадостное знаме-

ние нашего искупления.

Кондак 4

Бурею злобы дышаще и завистию движими, первосвященницы иудейстии скрѣша в зѣмлю Крест Твой, Христѣ Бѣже, да не бѣдет обличеніем безуміе их; но той, яко сокровище драгоѣ, из недр землі возсія, тѣніем благочестивыя царицы Елены обретенный и на радость всему міру явленный, с богокрасною пѣснию: Аллилуиа.

Икос 4

Видевше тогда христианстии людие Честнаго Креста обрѣтение, прославляху распѣшагося на нем Христа Бѣга, «Гѣсподи помилуй», — взывающе. Мы же ныне, подражающе им, прославляем Крест Его святыи хвалѣньми сицевыми: Радуйся, Кресте, в зѣмлю сокровенный и оскверненное грѣхами наше естество земное освятивый; радуйся, явлением своим из недр земных хулителей воплощения и Божества Христова посрамивый. Радуйся, яко Пострадавый на тебѣ плотию прія всяку власть на небесѣх и на землѣх, да всех и вся к Бѣгу Отцу приведет; радуйся, яко умерый на тебѣ яко человекъ силою Божества Своего сокруши заклѣпы ада и изведе оттуда души праведных. Радуйся, Кресте, яко разбойникъ

благоразумный, Христу сраспявыйся, Того исповедавый, тобою, аки лествицею, на небеса възиде; радуйся, яко и всех отсечением страстей Христу сраспинающихся возводиши в Царствие Небесное. Радуйся, Честный Кресте, всерадостное знамение нашего искупления.

Кондак 5

Господи, при Моисее иногда пророце точию образ Креста Твоего являем побеждаше враги Твоя, ныне же самый Крест Твой имуще, помощи просим: укрепи Церковь Твою и даруй ей победы на враги, да расточатся вси врази Твой, не вопиующии Ти: Аллилуиа.

Икос 5

Честнаго Креста, Христэ, действо прообразив Моисей, победи противнаго Амалика в пустыне Синайстей: егда бо простираше руке, креста образ творя, укрепляхуся людие; ныне же все вещей событие в нас исполнися: днесь Крест воздвизается, и демони бегают, днесь тварь вся от тли свободися, яко вся Креста ради возсияша нам дарования. Темже, радующеся, вопиём: Радуйся, Кресте, оружие Христово страшное, егже демони трепещут; радуйся, яко силою на тебе распятаго Христа бесовстии полчища далече прогоняют-

ся. Рáдуйся, ꙗко сѣлоу дѣйствующія в тебѣ Божѣственныя благодáти побѣды на сопротивныя христілюбѣвымъ людемъ дáруются; рáдуйся, ꙗко от тебѣ, ꙗко высокорóслейнаго и многоплодовѣтаго дрѣва Христова на тебѣ страданія, плоды жѣзны и спасенія намъ произрастаютъ. Рáдуйся, Честный Кресте, всерадостное знаменіе нáшего искупленія.

Кондак 6

Проповѣдникомъ сѣлы и Божества Христова явѣся иногда животворящее Дрѣво Крестное, егда прикосновѣніемъ своимъ воскресѣ мѣртваго и к жѣзни возведѣ его, еже вѣдевши, мнози от иудѣй и язычниковъ познаша велию благочестія тайну: ꙗко спасенія рáди человѣческаго, Богъ во плóти явѣся и страсть крестную претерпѣ, да спасѣтъ вопіющія Ему: Аллилу́иа.

Икос 6

Якоже дрѣво райское превѣліе, возвысися на Голгофе Честный Крестъ Христовъ, отонудуже во всю вселенную распрострѣ мысленныя вѣтви благодáти и Распѣншагося на немъ: под егоже сѣнію обрѣтаютъ прохладу палѣмъи знóемъ страстей и хотящѣи благочестно жѣти о Христѣ Иисусѣ. Тѣмже и мы, благодáти Того причáстницы, вѣсело взываѣмъ: Рáдуйся, свя-

тый Кресте, древом жизни, Адама ради в Едеме насажденным, преображенный; радуйся, новым Адамом, руке на тебе распростершим, миру явленный. Радуйся, яко под сень благодатного защищения твоего вси вернии прибегают; радуйся, яко милосердием Даровавшего нам тебе кающися грешницы огня геенскаго избегают. Радуйся, Кресте, утешение наше в скорбех и печалех; радуйся, живительная отрадо и помощь изнемогающим в борьбе с прилогами страстей, мира и диавола. Радуйся, Честный Кресте, всерадостное знамение нашего искупления.

Кондак 7

Хотя явити роду человеческому благодати и милосердия Своего неизследимую пучину, Крест Твой, Господи, дал еси нам тверда блюстителя и прогонителя демонов. Темже вси мы, иже в Тя верующии, прославляем величие страсти Твоея, благодарно поюще Тебе: Аллилуиа.

Икос 7

Дивны дела явил еси, Господи, Крестом Твоим Честным: распеншуся бо Ти на том плотию, вся тварь изменися: солнце лучи своя сокры, основания земли восколебахуся, ад сокрушися державою власти Твоея и изведе юзники, яже от

вѣка содержалъ есть. Сего ради увязаемъ той сими пѣсенными цвѣты: Радуйся, Кресте, яко пострадавшему на тебѣ вся тварь сострадала, яко Творцу своему и Владыцѣ; радуйся, яко силу Того и Божество свидѣтельствоваху солнце помраченіемъ и земля колебаниемъ. Радуйся, яко Умерый на тебѣ не удержанъ бысть въ мѣртвыхъ, но, разрушивъ державу смерти, въ третій день воскресъ; радуйся, яко воскресшу Тому проповѣдь евангельская, от лика апостольскаго наченная, во вся концы земли изыде. Радуйся, Кресте, яко тобою кумиротрожденіе и многобожіе языческое упразднися; радуйся, яко тебѣ ради правая вѣра во Единаго Бога, въ Троицѣ славимаго, по всей земли утвердися. Радуйся, Честный Кресте, всерадостное знаменіе нашего искупленія.

Кондак 8

Странно Бога вочеловѣчшася и на крестѣ распята бывша мысленно видяще, устранимся суетнаго міра, умъ на небеса преложше. Сего ради Богъ на землю сниде и на Крестъ взыде, да темъ, аки лѣстницею, на небеса возведетъ вопиющія Ему: Аллилуиа.

Икос 8

Днесь Адамъ со Евою веселится, предлагающій видяще

Крест, ѿмже пораженъ бысть супостатъ, ѿже древле въ рай вкуше-
ниемъ запрещеннаго плода техъ прельстивый и пленники
себѣ сотворивый. Темже и мы, срадоющеся прѣотцемъ нашимъ
о избавленіи отъ плененія нашего душевнаго, благоговѣй-
но воспеваемъ: Радуйся, Кресте, яко на тебѣ Пастырь добрый
душу Свою положи за овцы Своя и даже до ада сниде, ища
заблудшихъ; радуйся, яко Той не презре дело руку Своею,
Адама со Евою, но со инѣми праведники исхити я изъ ада, яко
изъ челюстей звѣря крепкаго, и въ рай всели ихъ. Радуйся, яко
на тебѣ пригвожденному Христу пламенное оружіе плещи
даде и херувимъ, Едемъ хранящій, отступи отъ древа жизни;
радуйся, яко мы, нынѣ крещеніемъ возрожденіи, во Хри-
стѣ новыя людие, невозбранно причащаемся райскія пищи.
Радуйся, Кресте, жезле силы Христова, отъ Сиона послан-
ный, ѿмже мы пасемъся на пажитехъ евангельскихъ ученій;
радуйся, яко тобою невредими сохраняемся отъ волковъ душе-
губныхъ, яко львовѣ рыкающихъ и ищущихъ, когдѣ поглотити.
Радуйся, Честный Кресте, всерадостное знаменіе нашего
искупленія.

Кондакъ 9

Всякихъ бедъ и козней вражиихъ избави ны, Кресте требо-
женный, яко приемыи благодать и силу отъ пригвожденнаго
на тебѣ Христа, Емуже яко Богу и Избавителю нашему бла-
годарственно и хвалебно поемъ: Аллилуиа.

Икос 9

Ветийство всякое земнорóдных не довлéет к прославлénию Крестá Твоегó, Гóсподи, на нéмже спасénие нáше содéлал еси; тéмже, недоумевающе восхвалíti той по достоя́нию, взывáем сѣце: Рáдуйся, Кресте, я́ко вознесénный на тебé Спас мѣра мно́зи лю́ди в познáние Своё призвá и до ны́не призывает; рáдуйся, я́ко возсия́вый на тебé, áки на свѣщнице, Свет истинный вся концы́ земли свѣтом боговѣдения озаряет. Рáдуйся, я́ко ны́не Востóк и Зáпад пострада́вшаго на тебé прославля́ют; рáдуйся, я́ко и ты, я́ко подно́жие Христо́во, вси вѣрнии, вознося́ще, прославля́ют. Рáдуйся, я́ко от тебé, я́ко от неизсяка́емаго исто́чника, христоименнѣи лю́дие обѣ́лие благ вѣчных почерпа́ют. Рáдуйся, Честный Кресте, всера́достное зна́мение нáшего искуплénия.

Кондак 10

Спасти́ся хотя́щим нам и под сень защи́щения твоегó прибега́ющим, бѹди помóщник, пресвяты́й Кресте, сохраня́я ны от всех зол си́лою на тебé распя́таго Христа́, Ему́же я́ко Бо́гу и Избáвителю нáшему благодарственнó и хвалéбно поём: Аллилу́иа.

Икос 10

Стенá еси, ограждающая нас от бед и напáстей, Кресте всечестный, и столп крѣпкий противу лицá вражия, к нему́же невидимии борителие приступи́ти не сме́ют, боящеся взира́ти на си́лу твою́. Сего́ ра́ди с ве́рою огражда́емся святы́м твои́м зна́мением и ве́село воспева́ем: Ра́дуйся, пречестный Кресте Христо́в, от нападéния духо́в зло́бы нас защища́яй; ра́дуйся, от различных стрел их невре́димы ны сохраня́яй. Ра́дуйся, я́ко от зна́мения твоего́, с ве́рою благоче́стно творима́го, вся си́лы а́да, я́ко дым от ве́тра, исче́зают; ра́дуйся, я́ко тобо́ю вся крѣпость их, я́ко воск от лица́ огня́, иста́ивает. Ра́дуйся, я́ко святы́и му́ченицы, зна́мением твои́м огражда́шеся и и́мя Христо́во призва́вше, всякий вид мучéний му́жественно претерпе́ша; ра́дуйся, я́ко преподо́бнии отцы́ помóщию си́лы Божества́, зна́мению твоему́ прису́щия, бесо́вская страхова́ния и страсте́й возста́ния победи́ша. Ра́дуйся, Честный Кресте, всера́достное зна́мение на́шего искупле́ния.

Кондак 11

Пéние всеумилénное прино́сим ти, всечестный Кресте, и смире́нно мо́лимся распя́тому на тебé Христу́ Бо́гу на́шему,

Иже дарова́ нам тебе́ во о́траду и утеше́ние в ско́рбех, да стра́стию Своёю изба́вит нас от страсте́й душевре́дных и на-учи́т благове́рно воспева́ти Емۇ: Аллилу́иа.

Икос 11

Све́том благода́ти Бо́жией, та́инственне ти прису́щия, просвети́ на́ша душе́вная чу́вствия, Кресте́ пресвяты́й, да то́ю озаря́еми и наставля́еми, не поткне́мся о ка́мень собла́зна, но да возмо́жем путе́м за́поведей Бо́жиих правоше́ствовать во всей жи́зни на́шея, воспева́юще ти си́це: Ра́дуйся, непреста́ющих чудес́ Христо́вых вестни́че и милосе́рдия Его́ к ро́ду челове́ческому пропове́дниче; ра́дуйся, Кресте́, ро́да челове́ча обновле́ние и Но́ваго За́вета Христо́ва печа́ть и утвержде́ние. Ра́дуйся, торже́ство ве́ры христиа́нския и благонаде́жный я́корю упова́ния на́шего; ра́дуйся, святы́х хра́мов Бо́жиих украше́ние и домо́в благоче́стивых огражде́ние. Ра́дуйся, полёй и вертогра́дов благослове́ние; ра́дуйся, всех стихий о́свяще́ние. Ра́дуйся, Че́стный Кресте́, все-ра́достное зна́мение на́шего искупле́ния.

Кондак 12

Благода́ть Твою́ всемо́щную пода́ждь нам, Го́споди, да послéдуем Тебе́, Влады́це на́шему, взéмше крест наш, не

гвоздьми пригвождающеся томѹ, но трудами, воздержаніем и смирѣніем, да тако прича́стницы бу́дем страда́ній Твои́х, от ни́хже истека́ют пото́цы жи́зни вѣчныя, напая́ющія вся правове́рныя, благоче́стно пою́щія Ти: Аллилу́иа.

Икос 12

Пою́ще вели́чие твоѐ, всечестны́й Крѣсте, восхваля́ем тя вси, я́ко победоно́сный скипетр Царя́ Небе́снаго, на́шего же спасѣ́нія всера́достное зна́мение, те́мже и вопи́ем: Ра́дуйся, Крѣсте, правосла́вных христиа́н держа́во и несокруши́мое их огражде́ние; ра́дуйся, святи́телей украше́ние и всех подви́жников ве́ры и благоче́стия си́ла и подкреплѣ́ние. Ра́дуйся, Крѣсте, от колыбе́ли и до гроба́ на всех путѣх жи́зни нас огражда́й и по сме́рти на возду́шных мыта́рствах от ду́хов зло́бы нас защища́й; ра́дуйся, я́ко под зна́мением твои́м почива́ющии, уме́ршии в ве́ре и благоче́стии, в послѣ́дний день воскрѣ́снут в жизнь вѣчную. Ра́дуйся, Крѣсте, явле́нием своим на небеси́ предвари́ти имы́й сла́вное Второ́е Прише́ствие Христо́во; ра́дуйся, я́ко распѣ́ншии Христа́ и вси неве́рнии у́зрят тя тогда́ и го́рце возрыда́ют, любя́щии же Го́спода, зря́ще тя, вельми́ возра́дуются. Ра́дуйся, Честны́й Крѣсте, всера́достное зна́мение на́шего искупле́ния.

Кондак 13

О пречестный и животворящий Кресте Господень, всех христиа́н утешѣние! Ты ны́не предлежа́ща ви́дяще, возво́димся мы́слию к распя́тому на тебѣ Христу́, Ему́же и мо́лимся смире́нно, да тебѣ ра́ди поми́лует нас, грѣшных, и сподо́бит в селе́ниях ра́йских воспева́ти Ему́: Аллилу́иа.

Этот кондак читается трижды, затем 1-й икос: «А́нгелов ли́цы...» и 1-й кондак: «Прииди́те, христоимени́тии лю́дие...»

Молитва

Кресте Честный, хранитель души и телу буди ми: образом своим бѣсы низлага́я, врагѣ отгоня́я, страсти упражня́я и благоговѣ́ние да́руя ми, и жизнь, и си́лу, соде́йствием Свята́го Ду́ха и честны́ми Пречистыя Богоро́дицы мо́льбами. Ами́нь.

Акафист Пресвятой Богородице



Кондак 1

Взбранной Воеводе победительная, яко избавльшеся от злых, благодарственная восписуем Ти раби Твой, Богородице; но яко имущая державу непобедимую, от всяких нас бед

свободѣ, да зовѣм Ти: радуйся, Невѣсто Невѣстная.

Икос 1

Ангелъ предстатель съ небесѣ посланъ бысть рещи Богородице: радуйся, и со безплотнымъ гласомъ воплощаема Ты зря, Господи, ужасашеся и стояше, зовый къ ней таковая: Радуйся, Еюже радость возсияетъ; радуйся, Еюже клятва изчезнетъ. Радуйся, падшаго Адама воззваніе; радуйся, слезъ Евиныхъ избавленіе. Радуйся, высотѣ неудобовосходимая человѣческими помысли; радуйся, глубинѣ неудобозримая и ангельскими очима. Радуйся, яко еси Царѣво сѣдалище; радуйся, яко носиши Носящаго вся. Радуйся, звездѣ, являющая Солнце; радуйся, утробѣ Божественнаго воплощенія. Радуйся, Еюже обновляется тварь; радуйся, Еюже покланяемся Творцу. Радуйся, Невѣсто Невѣстная.

Кондак 2

Видящи Святая Себѣ въ чистотѣ, глаголетъ Гавриилу дерзостно: «Преславное твоего гласа неудобоприятельно души Моѣй является: безсеменнаго бо зачатія рождество како глаголеши, зовый: Аллилуиа?»

Икос 2

Разум недоразумеваемый разумети Дева ищущи, возопи к служащему: «Из боку чисту, Сыну како есть родитися мощно, рцы Ми?» К Нейже он рече со страхом, обаче зовый сие: Радуйся, совета неизреченнаго тайнице; радуйся, молчания просящих веро. Радуйся, чудес Христовых начало; радуйся, велений Его главизно. Радуйся, лестнице небесная, Еюже сниде Бог; радуйся, мосте, проводяй сущих от земли на небо. Радуйся, ангелов многословущее чудо; радуйся, бесов многоплачевное поражение. Радуйся, Свет неизреченно родившая; радуйся, еже како, ни единого же научившая. Радуйся, премудрых превосходящая разум; радуйся, верных озаряющая смыслы. Радуйся, Невесто Невестная.

Кондак 3

Сила Вышняго осени тогда к зачатию Браконеискусную и благоплодная Той ложесна, яко село показа сладкое, всем хотящим жати спасение, внегда пети сие: Аллилуиа.

Икос 3

Имуще Богоприятную Дева утробу, востече ко Елиса-

вѣти; младенец же оная а́бие познав Сея целованіе, ра́довашеся, и игра́ными я́ко пѣсньми вопіяше к Богоро́дице: Ра́дуйся, отрасли неувяда́емая розго́; ра́дуйся, плода́ безсмер́тнаго стяжа́ние. Ра́дуйся, де́лателя де́лающая Чело́веколю́бца; ра́дуйся, Сади́теля жи́зни на́ша ро́ждшая. Ра́дуйся, ни́во, растя́щая го́бзованіе щедро́т; ра́дуйся, трапе́зо, нося́щая оби́лие очище́ния. Ра́дуйся, я́ко рай пи́щный процве́таеши; ра́дуйся, я́ко приста́нище ду́шам гото́виши. Ра́дуйся, приятно́е моли́твы кади́ло; ра́дуйся, всего́ ми́ра очище́ние. Ра́дуйся, Бо́жие к смер́тным благоволе́ние; ра́дуйся, смер́тных к Бо́гу дерзнове́ние. Ра́дуйся, Невѣсто Нене́вѣстная.

Кондак 4

Бу́рю внутрь име́я помышле́ний сумни́тельных, целому́дренный Ио́сиф смяте́ся, к Тебе́ зря небра́чней, и бра́коокра́дованную помышля́я, Непоро́чная; уве́дев же Твое́ зача́тие от Ду́ха Свя́та, рече́: Аллилу́иа.

Икос 4

Слы́шаша па́стырие а́нгелов пою́щих плотско́е Христо́во прише́ствие, и те́кше я́ко к Па́стырю ви́дят Сего́ я́ко а́гнца непоро́чна, во чре́ве Мари́ине упасшася, Ю́же пою́ще ре́ша: Ра́дуйся, А́гнца и Па́стыря Ма́ти; ра́дуйся, дво́ре словес́ных

овецъ. Рáдуйся, невидимыхъ враговъ мучение; рáдуйся, райскихъ двéрей отверзение. Рáдуйся, я́ко небéсная сра́дуются земнымъ; рáдуйся, я́ко земна́я сликовству́ют небéснымъ. Рáдуйся, апóстолов немóлчная уста́; рáдуйся, страстотéрпцев непобедима́я дёрзосте. Рáдуйся, твёрдое вéры утверждéние; рáдуйся, свётлое благодáти познáние. Рáдуйся, Ею́же обнаж́ися адъ; рáдуйся, Ею́же облекóхомся сла́вою. Рáдуйся, Невéсто Нене́встная.

Кондак 5

Боготéчную звезду́ узр́евше волсви́, тоя́ послéдоваша зарíи, я́ко свeти́льник держа́ще ю́, тою́ испытáху крéпкаго Царя́, и, достíгше Непостиж́имаго, возра́довашася, Емú во́пиюще: Аллилу́иа.

Икос 5

Виде́ша óтроцы халдéйстии на руку́ Дев́ичу созда́вшего рука́ма челове́ки, и Влады́ку разумева́юще Егó, áще и ра́бий при́ят зракъ, потща́шася дарми́ послуж́ити Емú, и возоп́ити Благословéнней: Рáдуйся, Звeзды́ незаход́имыя Ма́ти; рáдуйся, зарé та́инственнаго дне. Рáдуйся, преле́сти пещь угаси́вшая; рáдуйся, Трóицы та́инники просвеща́ющая. Рáдуйся, мучи́теля безчелове́чнаго измета́ющая

от начальства; радуйся, Господа Человеколюбца показавшая Христа. Радуйся, варварскаго избавляющая служения; радуйся, тмения изымающая дел. Радуйся, огня поклонение угасившая; радуйся, пламене страстей изменяющая. Радуйся, верных наставнице целомудрия; радуйся, всех родов веселие. Радуйся, Невесто Невестная.

Кондак 6

Проповедницы богоноснии бывше волсви, возвратишася в Вавилон, скончавше Твое пророчество, и, проповедавшие Тя, Христа, всем, оставиша Ирода, яко буюсловна, не ведуща пети: Аллилуиа.

Икос 6

Возсиявый во Египте просвещение истины, отгнал еси лжи тьму, идоли бо его, Спасе, не терпяще Твоея крепости, падоша, сих же избавльшиися вопияху к Богородице: Радуйся, исправление человеков; радуйся, низпадение бесов. Радуйся, прелести державу поправшая; радуйся, идольскую лесть обличившая. Радуйся, море, потопившее фараона мысленнаго; радуйся, камению, напоивший жаждущия жизни. Радуйся, огненный столпе, наставляяй сущия во тьме; радуйся, покрове миру, ширший облака. Радуй-

ся, пи́ще, ма́нны прие́мнице; ра́дуйся, сла́дости святы́я служите́льнице. Ра́дуйся, землѣ обетова́ния; ра́дуйся, из нея́же течёт мед и млеко́. Ра́дуйся, Невѣсто Неве́стная.

Кондак 7

Хотя́щу Симео́ну от ны́нешняго ве́ка преста́виться преле́стнаго, вда́лся еси́ я́ко Младене́ц тому́, но позна́лся еси́ ему́ и Бог соверше́нный. Те́мже удиви́ся Твое́й неизрече́нной премудро́сти, зовы́й: Аллилу́иа.

Икос 7

Но́вую показа́ тварь, я́влься Зи́ждитель нам от Него́ бывшим, из безсе́менных прозя́б утробы, и сохрани́в Ю, я́коже бе, нетле́нну, да, чу́до ви́дяще, воспоём Ю, вопию́ще: Ра́дуйся, цвѣте нетле́ния; ра́дуйся, вѣнче возде́ржания. Ра́дуйся, воскресе́ния о́браз облиста́ющая; ра́дуйся, а́нгельское жити́е явля́ющая. Ра́дуйся, дре́во светлоплодо́витое, от него́же пита́ются ве́рнии; ра́дуйся, дре́во благосенноли́ственное, имже покрыва́ются мнози. Ра́дуйся, во чре́ве нося́щая Изба́вителя пленѣ́нным; ра́дуйся, ро́ждшая Наста́вника заблуд́шим. Ра́дуйся, Судии́ Пра́веднаго умоле́ние; ра́дуйся, мно́гих согреше́ний проще́ние. Ра́дуйся, оде́ждо наги́х дерзнове́ния; ра́дуйся, любы́, вся́кое жела́ние побежда́ющая. Ра́дуйся,

Невѣсто Неневѣстная.

Кондак 8

Странне рождество видевше, устранимся мира, ум на небеса преложше: сего бо ради высокий Бог на земли явися смиренный Человек, хотяй привлещи к высотѣ Тому вопиющія: Аллилуиа.

Икос 8

Весь бе в нижних и вышних никакоже отступи неописанное Слово: низхождение бо Божественное, не прехождение же местное бысть, и рождество от Девы Богоприятная, слышашая сия: Радуйся, Бога невместимаго вместилище; радуйся, честнаго таинства двѣри. Радуйся, неверных сумнительное слышание; радуйся, верных известная похвало. Радуйся, колеснице пресвятая Сущаго на херувимех; радуйся, селение преславное Сущаго на серафимех. Радуйся, противная в тожде собравшая; радуйся, девство и рождество сочетавшая. Радуйся, Еюже разрешися преступление; радуйся, Еюже отверзется рай. Радуйся, ключу Царствия Христова; радуйся, надеждо благ вечных. Радуйся, Невѣсто Неневѣстная.

Кондак 9

Всякое естество а́нгельское удиви́ся вели́кому Твоего́ во-
челове́чения де́лу; непристу́пнаго бо́ яко́ Бо́га, зря́ще всем
присту́пнаго Чело́века, нам у́бо спребыва́юща, слы́шаща же
от всех: Аллилу́иа.

Икос 9

Ветии́ многовеща́ннии, яко́ ры́бы безгла́снии, ви́дим о Те-
бе́, Богоро́дице, недоумева́ют бо глаго́лати, е́же ка́ко и Де́ва
пребыва́еши, и роди́ти возмогла́ еси́. Мы же, та́инству ди-
вя́щеся, ве́рно вопи́ем: Ра́дуйся, прему́дрости Бо́жия при-
я́телище; ра́дуйся, промы́сления Егó сокро́вище. Ра́дуйся,
любому́дрыя нему́дрыя явля́ющая; ра́дуйся, хитрословес-
ныя безсловесныя облича́ющая. Ра́дуйся, яко́ обуя́ша лю́тии
взыска́теле; ра́дуйся, яко́ увядо́ша баснотво́рцы. Ра́дуйся,
афи́нейская плетёния растерза́ющая; ра́дуйся, ры́барския
мре́жи исполня́ющая. Ра́дуйся, из глубины́ неведе́ния извла-
ча́ющая; ра́дуйся, мно́ги в ра́зуме просвеща́ющая. Ра́дуйся,
кораблём хотя́щих спасти́ся; ра́дуйся, приста́нище житёйских
пла́ваний. Ра́дуйся, Невёсто Неневёстная.

Кондак 10

Спасти́ хотя́ мир, Иже всех Украси́тель к сему́ самообето-
ва́н прииде и, Па́стырь сый, яко Бог, нас ра́ди яви́ся по нам
челове́к: подобным бо подобное призва́в, яко Бог слы́шит:
Аллилу́иа.

Икос 10

Стена́ еси́ де́вам, Богоро́дице Де́во, и всем к Тебе́ прибе-
га́ющим, ибо́ небесе́ и земли́ Творе́ц устро́и Тя, Пречи́стая,
всёлся во утробе́ Твое́й, и вся приглаша́ти Тебе́ научи́:
Ра́дуйся, сто́лпе де́вства; ра́дуйся, дверь спасе́ния. Ра́дуй-
ся, нача́льнице мы́сленнаго назда́ния; ра́дуйся, пода́тельни-
це Боже́ственныя бла́гости. Ра́дуйся, Ты бо обнови́ла еси́
зача́тыя студи́ю; ра́дуйся, Ты бо наказа́ла еси́okráденныя
умом. Ра́дуйся, тли́теля смы́слов упрядня́ющая; ра́дуйся,
Се́ятеля́ чистоты́ ро́ждшая. Ра́дуйся, черто́же безсе́меннаго
уневе́щения; ра́дуйся, ве́рных Го́сподеви сочета́вшая. Ра́дуй-
ся, до́брая младопита́тельнице де́вам; ра́дуйся, невестокра-
си́тельнице душ святы́х. Ра́дуйся, Неве́сто Неве́стная.

Кондак 11

Пѣние всякое побеждаѣтся, спрострѣтися тѣщаѣеся ко мно́жеству мно́гих щедро́т Твои́х: равночи́сленныя бо песка́ пѣсни а́ще прино́сим Ти, Царю́ Святы́й, ничто́же соверша́ем досто́йно, я́же дал еси́ нам, Тебѣ вопию́щим: Аллилу́иа.

Икос 11

Светопріѣмную свещу́, сущим во тьме явльшуюся, зрим Святу́ю Дѣву; невещѣственный бо вжига́ющи огонь, наставля́ет к ра́зуму Божѣственному вся, заре́ю ум просвещáющая, звáнием же почита́емая, сими: Рáдуйся, лу́че у́мнаго Со́лнца; рáдуйся, свети́ло незаходи́мага Свѣта. Рáдуйся, мо́лние, ду́ши просвещáющая; рáдуйся, я́ко гром враги́ устраша́ющая. Рáдуйся, я́ко многосвѣтлое возсия́вæши просвѣщение; рáдуйся, я́ко многотеку́щую источáеши реку́. Рáдуйся, купѣли живопису́ющая образ; рáдуйся, грехóвную отъѣмлю́щая сквѣрну. Рáдуйся, ба́не, омы́вающая со́весть; рáдуйся, ча́ше, че́рплющая ра́дость. Рáдуйся, обоня́ние Христо́ва благоухáния; рáдуйся, животѣ та́йнаго весѣ́лія. Рáдуйся, Невѣсто Невѣ́стная.

Кондак 12

Благода́ть да́ти восхотѣв, долго́в дре́вних, всех долго́в Ре-
ши́тель челове́ком, прииде Собо́ю ко отше́дшим Того́ бла-
года́ти, и раздра́в рукописа́ние, слы́шит от всех си́це: Алли-
лу́иа.

Икос 12

Пою́ще Твое́ рождество́, хва́лим Тя вси, я́ко одушевле́н-
ный храм, Богоро́дице: во Твое́й бо всели́вся утробе содер-
жа́й вся руко́ю Госпо́дь, освяти́, просла́ви и научи́ вопи́ти
Тебе́ всех: Ра́дуйся, селѣние Бо́га и Сло́ва; ра́дуйся, свя-
та́я святы́х бо́льшая. Ра́дуйся, ковче́же, позлаще́нный Ду́хом;
ра́дуйся, сокрови́ще живота́ неисто́щное. Ра́дуйся, честный
ве́нче люде́й благоче́стивых; ра́дуйся, честна́я похвало́ ие-
реев благоговѣ́йных. Ра́дуйся, це́ркве непоколеби́мый сто́л-
пе; ра́дуйся, Ца́рствия неруши́мая стено́. Ра́дуйся, Ею́же воз-
двигу́тся победы́; ра́дуйся, Ею́же низпа́дают вра́зи. Ра́дуйся,
те́ла моего́ врачева́ние; ра́дуйся, ду́ши моея́ спасѣ́ние. Ра́дуй-
ся, Невѣсто Невѣ́стная.

Кондак 13

О Всепётая Мати, рождающая всех святых Святѣйшее Слово! Нынешнее приѣмши приношѣние, от всякия избави напасти всех, и будущия изми муки, о Тебѣ вопиющих: Аллилуиа.

Этот кондак читается трижды, затем 1-й икос: «Ангел представитель...» и 1-й кондак: «Взбранной Воеводе...»

Молитвы

О Пресвятая Госпоже Владычице Богородице, выйши еси всех ангел и архангел, и всея твари честнейши, помощнице еси обидимых, ненадеющихся надеяние, убогих заступнице, печальных утешение, алчущих кормительнице, нагих одяение, больных исцеление, грешных спасение, христиан всех поможение и заступление. О Всемиловитая Госпоже, Дево Богородице Владычице, милостию Твоею спаси и помилуй святѣйшия патриархи православныя, преосвященныя митрополиты, архиепископы и епископы и весь священнический и иноческий чин, и вся православныя христиане ризою Твоею честною защити; и умоли, Госпоже, из Тебе без семени воплотившагося Христа Бога нашего, да препояшет нас силою Своею свыше, на невидимыя и видимыя враги наша.

О Всеми́лостивая Госпоже́ Влады́чице Богоро́дице! Воздвигни нас из глубины́ грехо́вныя и изба́ви нас от гла́да, губи́тельства, от тру́са и пото́па, от огня́ и меча́, от нахожде́ния иноплеме́нных и междоусо́бныя бра́ни, и от напрáсныя сме́рти, и от нападе́ния вра́жия, и от тлетво́рных ветр, и от смертоно́сныя я́звы, и от всякаго зла. Пода́ждь, Госпоже́, мир и здра́вие рабо́м Твои́м, всем правосла́вным христиа́ном, и просвети́ им ум, и о́чи серде́чнии, е́же ко спасе́нию; и сподо́би ны, грешны́я рабы́ Твоя́, Ца́рствия Сы́на Твоего́, Христа́ Бо́га нашего; я́ко держа́ва Его́ благослове́на и препросла́влена со Безнача́льным Его́ Отце́м и с Пресвяты́м и Благо́м и Живо́творящим Его́ Ду́хом, ны́не и при́сно и во ве́ки веко́в. Ами́нь.


О Пресвята́я Де́во Ма́ти Го́спода, Цари́це небесе́ и земли́! Вонми́ многоболе́зненному воздыха́нию душ на́ших, при́зри с высоты́ святы́я Твоея́ на нас, с ве́рою и любо́вию покланя́ющихся пречи́стому о́бразу Твоему́. Се бо грехми́ погружа́емии и скорбьми́ обурева́емии, взира́я на Твой о́браз, я́ко живе́й Ти су́щей с на́ми, прино́сим смире́нныя моле́ния на́ша. Не има́мы бо ни ины́я по́мощи, ни ина́го предста́тельства, ни утеше́ния, токмо́ Тебе́, о Ма́ти всех скорбя́щих и обремене́нных. Помози́ нам немощны́м, утоли́ скорбь на́шу, наста́ви на путь пра́вый нас, заблужда́ющих, уврачу́й и спаси́ безнаде́жных, да́руй нам проче́е вре́мя живота́ на́шего в ми́ре и тиши́не проводи́ти, пода́ждь христиа́нскую кончи́ну, и на Стра́шнем Суде́ Сы́на Твоего́ яви́ся нам милосе́рдая Засту́пница, да

всегда поём, величаем и славим Тя, яко благоу Заступницу
рода христіанскаго, со всіми угодившими Богу. Аминь.

Акафист

Успению Пресвятой Богородицы

(празднование 15/28 августа)



Кондак 1

Избрáнной от всех родóв Бóжией Мáтери и Цари́це, восходя́щей от земли́ к небеси́, благоговéйная пéния о пречест-

нѣмъ Твоѣмъ успѣнии приносимъ рабѣ Твоѣй, Богородице. Ты же, яко имущая побѣду надъ смѣртію, отъ всякихъ насъ смертоносныхъ бѣдъ свободи, да зовѣмъ Ти: Радуйся, Обрадованная, во успѣнии Твоѣмъ насъ не оставляющая.

Икосъ 1

Ангелъ предстатель посланъ бысть рещи Богородице ко мирнымъ Ея возшествіе и приити предъявляше къ Ней Сыну Ея и Богу, свѣтло о Ней блистая и стоя, зовый такую: Радуйся, прерадованная Мати Царева; радуйся, Небесная Царице, Мати Бога и Господа небесъ и земли. Радуйся, предпочтенная превеличествомъ пришествія къ Тебѣ Сына Твоего и Бога; радуйся, возвеличенная извещеніемъ Твоего къ Сыну отшествія. Радуйся, отъ всехъ родовъ Богомъ избранная; радуйся, святое вмѣстилище Слова Божія. Радуйся, пророческаго прореченія исполненіе; радуйся, апостоломъ пречестный вѣнче. Радуйся, святителемъ украшеніе и священникомъ доброты; радуйся, правителемъ убоженіе и державо. Радуйся, богомудрыхъ иноковъ возведеніе къ горнему Царствію; радуйся, отверзающая райскія двери христіанскому роду, присно Тя блажащему. Радуйся, Обрадованная, во успѣнии Твоѣмъ насъ не оставляющая.

Кондак 2

Видяще апóстолов лик, всесильным мановѣнием от конѣц земли на облацех представших ко пречестнóму Твоему, Пренепорóчная, успѣнию, священноначальницы: Дионисий – небесный тайнник, Иерофѣй дивный и Тимофѣй с боголѣпною честию священства пояху Бóгу: Аллилуиа.

Икос 2

Разумная вся тварь, старѣйшая чиноначалія ангельская приидóша со своим Царѣм, Иже во Своя живоначальнейшия рúце дúшу Матере Своея прият; тёплый же вѣрою Петр со слезáми многая к Ней изречѣ, зовый: Рáдуйся, ко премíрным, Мáти Творца мíру, восходящая; рáдуйся, к пренебесным, прострáннейшая небес, взѣмлющаяся. Рáдуйся, четверочáстное стихий освятившая Твоим восхождѣнием; рáдуйся, небесных возвеселившая Твоим прехождѣнием. Рáдуйся, во Иерусалим гóрний прекрасный приятая; рáдуйся, в нерукотворѣнныя храмы прерáдостно вшѣдшая. Рáдуйся, херувимов и серафимов Царице; рáдуйся, архáнгелов Владычице. Рáдуйся, прибѣжище вѣрных и избавлѣние; рáдуйся, достоянiю Твоему пóмощь и защищѣние. Рáдуйся, о всем мíре христиáнстем к Бóгу Ходáтаице; рáдуйся, благ всячес-

ких Всеблагая Подательнице. Радуйся, Обрадованная, во успении Твоем нас не оставляющая.

Кондак 3

Сила Вышняго восхити от Индии Фому, за некое изволение Божие не прилучшуся ему в пречестное успение Богоматере, и предпостави живоприемному Ея гробу, иже, представляющуюся приник видети, уразумев вознесенную на небеса с телом и, веровав, о сем возопи: Аллилуиа.

Икос 3

Имея в себе помышление ученик, яко Божиим смотрением бе ему не обрестися ко провождению Богоматере с прочими вкупе, обрадован быв о безсмертном Ея успении, сия вопияше к Ней: Радуйся, восприимлемая от земли дланьма Сына Твоего; радуйся, ко превышним возшедшая наслаждаться славы Его. Радуйся, провождаемая от всех чиновначалий ангельских в Горняя; радуйся, подъемлемая херувимы в небесная и наднебесная. Радуйся, в небесных вратех от старейших сил велелепно песнями возносимая; радуйся, от всех небесных граждан окружаемая и блажимая. Радуйся, Небо земное, к горнему селению возвышенное; радуйся, Престоле Господень, от земли вознесенный в Царствие

Небѣсное. Рáдуйся, предстáтельство нáше и крѣпкое заступлѣние; рáдуйся, грѣшником Спорúчнице во спасѣние. Рáдуйся, христиáном Царѣце и по Бóже надѣждо Небѣснаго Цáрства; рáдуйся, Мáти животá и по Гóсподе нам уповáние жízни вѣчныя. Рáдуйся, Обрáдованная, во успѣнии Твоём нас не оставлáющая.

Кондак 4

Бúрю внутрь имѣя помышлѣний невѣрных евреин Аффóний, и зря богонóсными апóстола Богомáтере пречестнóе тѣло всечѣстне ко грóбу несѣнное, ко опровержѣнию устремѣйся; внезапу же, егдá со ослеплѣнием óчию рúце егó отъяте ко одру прилеплѣне вѣсясте, вѣрою Мáтерь Бóжию исповѣдаше, вопиá Бóгу: Аллилу́иа.

Икос 4

Слы́шавше тайнницы и самовѣдцы Слóва áнгелов, пою́щих превы́шними пѣсньми при погребѣнии богоприятнаго тѣла Бóжия Мáтере, и честь подáти хотя́ще богоугóдную, потщáшася соглáсно пѣти, глагóлюще: Рáдуйся, благовѣстие приѣмшая о прешѣствии Твоём в Гóрнее Цáрствие; рáдуйся, от благовѣстѣвшаго Гаври́ила приѣмшая рáдостнаго рая вравие. Рáдуйся, пречестнóе херувѣмское мнóже-

ство просветившая; радуйся, преславное серафимское естество возрадовавшая. Радуйся, от патриархов прообразованная; радуйся, от пророков предвозвещенная. Радуйся, злую дерзость Аффониеву скоро отмстившая; радуйся, исцеление тому же подавшая. Радуйся, обратившая в веру Аффониево неверие; радуйся, верное того приемшая исповедание. Радуйся, возводящая к небесам любовь и веру к Тебе имеющих; радуйся, спасающая верою имя Твое призывающих. Радуйся, Обрадованная, во успении Твоем нас не оставляющая.

Кондак 5

Боготечные звезды, апостоли святии, в поднебесней разсеянии ради Евангелия, восхищени быша на облацех, по широте воздушней, ко погребению Матере Господни, Юже пеньми и песньми провождающе, с невестственными зызанами: Аллилуиа.

Икос 5

Видевше боговидцы своего Владыку, в руке Матере Своей душу приемша, и Господа Того разумевше, потщашася священнословия песньми благословне воспети Ю: Радуйся, Царице, над всеми Царствующаго носившая; радуйся, и Самая рукама Его сыновними носимая. Радуйся, скиптре цар-

ский в Христо́вой десни́це; ра́дуйся, в руце́ Но́я вѣтве голу-
би́цы. Ра́дуйся, же́зде Ааро́нов, прозя́бший нетле́ние; ра́дуй-
ся, крѣ́не неувяда́емый, процвѣ́тший безсме́ртие. Ра́дуйся,
Богоотца́ Дави́да цевни́це богодохнове́нная; ра́дуйся, про-
ро́чества его́ возста́вшая сло́во, псалти́рю и гу́сли прек-
ра́сныя. Ра́дуйся, одушевле́нный святы́ни Господни киво́те;
ра́дуйся, в поко́й Господень воскрѣ́сший наш животе́. Ра́дуй-
ся, ски́ние, от херувимов осеня́емая; ра́дуйся, Свята́я свя-
тых, от серафимов глаго́лемая. Ра́дуйся, Обра́дованная, во
успе́нии Твоём нас не оставля́ющая.

Кондак 6

Пропове́дницы богонóснии апóстоли, по отше́ствии ко
преми́рным Бо́жия Ма́тере во óбщем седѣ́нии обы́чныя тра-
пѣзы бѣ́вшие и предложѣ́ние ча́сти хлѣ́ба во и́мя Господне
вознося́ще, внеза́пу свѣ́ше Богороди́цу Цари́цу, прише́дшую
со светонóсными а́нгелы, зря́ху и, мир тем от Сы́на и Бо́га
пода́вшую слы́шавше, возгласи́ша о сем: Аллилу́иа.

Икос 6

Возсия́ нам Со́лнце пра́вды, Христо́с Бог от Твои́х пре-
чи́стых ложѣ́сн, во́лею и благоразу́мием проповѣ́дания чрез
апóстолы мир просвети́ и Тя, Богома́терь, от ро́да и в род

прослави. Тѣмже и мы вси ублажаѣм Тя, вопиюще Ти: Рáдуйся, присноблáженная от всех родóв во вѣки; рáдуйся, благоутрóбная и мѣлостивая на челове́ки. Рáдуйся, учени́ческому ли́ку обеща́ние испо́лнившая; рáдуйся, присеще́нием Твои́м от Сы́на Твоего́ и Бо́га мир то́му пода́вшая. Рáдуйся, всежелáтельное святы́х и сла́дкое зрѣние; рáдуйся, преподо́бных матерей и дев святы́х всевеселя́щее ра́дование. Рáдуйся, прехо́дящая райское селе́ние пра́ведных; рáдуйся, посеща́ющая всех во сла́ве небѣсней сущих. Рáдуйся, нача́ло челове́ческаго спасе́ния; рáдуйся, исполне́ние всех благи́х желáния. Рáдуйся, по Бо́же, Царе́ ца́рствующих, Богороди́це Цари́це; рáдуйся, по Го́споде господа́ствующих, Влады́це нашѣм, Госпо́же и Влады́чице. Рáдуйся, Обра́дованная, во успѣнии Твоѣм нас не оставля́ющая.

Кондак 7

Хотя́щих всех с вѣрою входѣти в храм Твой святы́й, Богороди́це, при́сно спаса́еши и сла́влящих Тя от вся́ких напáстей и бед свобожда́еши; тѣмже и благове́рным лю́дем, присноблажа́щим Тя, побѣды на сопроти́вныя да́руй и вся ко спасе́нию проше́ния нам подава́й, о сем моля́щимся Тебе́ и пою́щим Бо́гу: Аллилу́иа.

Икос 7

Нóвую показá тварь, явлься нам, всех Творецъ Господь Тобою, Богородице. Ты же сродное промыслѣние о нас к Немѹ имѹщи, чѣстне почитающихъ пречестное Твое успѣние, приими сиева́я Тебѣ вопиющихъ: Рáдуйся, Мáти Бóгу, избрáнная от земныхъ; рáдуйся, превы́шшая земныхъ и небѣсныхъ. Рáдуйся, херувимовъ и серафимовъ горѣ превозше́дшая; рáдуйся, ликъ учени́ческий о́блакомъ ко погребѣ́нию Ти до́ле совоку́пля́ющая. Рáдуйся, Фо́мѹ по погребѣ́нии Твоѣмъ си́лою Бóжиею предпос́тавившая изрядне́е; рáдуйся, чрезъ него́ увѣрившая Твое́ на нѣ́бо с плóтию преселѣ́ние. Рáдуйся, красо́тою всехъ добродѣ́телей укра́шенная; рáдуйся, красне́йшему па́че сыно́въ челове́ческихъ Сы́нови Своемѹ сопричѣ́нная. Рáдуйся, я́ко фíникс, плóтию воскрѣ́сшею процвѣ́тшая; рáдуйся, я́ко кедръ въ Ливáне небѣ́сномъ, умно́жившаяся. Рáдуйся, дре́во животá, насажде́нное посреде́ ра́я превы́шняго; рáдуйся, ковче́же мы́сленный возвы́шенный въ го́рняя от пото́па смѣ́ртнаго. Рáдуйся, Обра́дованная, во успѣ́нии Твоѣмъ нас не оставля́ющая.

Кондак 8

Стра́нно въ превы́шнихъ ве́дуще Тя, Избрáнная, я́ко со́лн-

це, Владычице, внутрь пренебесных недомыслимых красот и неизреченных доброт, умильно к Сыну и Богу, дланьма Его держиму, возшедшую и прерадостно преклонышуюся живоначальней Его деснице, о сем непрестанно вопиём: Аллилуиа.

Икос 8

Вся бывши горё, к небесным взята и, земных не оставляючи, Богомати, рукама сыновнима носима, в незаходима вниде, во оный град всесветящий и прекрасный, Иерусалим вышний, херувимы обстоима со всеми Небесными Силами, идеже слышит поющих сия: Радуйся, Еяже пресвятая душа в вышнем всесветлом Сионе вселяется; радуйся, Еяже и нетленное тело таможде с душею купно прославляется. Радуйся, вшедшая в престольный град Самого Вседержителя; радуйся, вознесшаяся в прекрасный рай Вышняго Насадителя. Радуйся, пренесенная во град, основанный от каменей всесветящих; радуйся, введенная во ограду, обстоймую бои сил превышних. Радуйся, превышше небес во благолепие Божие взятая; радуйся, паче всех невещественных умов почтенная. Радуйся, приносящая к Сыну Своему и Богу моление верных; радуйся, и Сама непрестанно у Престола Сына Твоего и Бога молящаяся о всех. Радуйся, Предстательнице к Богу, мир спасающая; радуйся, Заступнице, роду христианскому от Бога дарованная. Радуйся, Обрадо-

ванная, во успѣнии Твоѣм нас не оставляющая.

Кондак 9

Всякое естество ангельское превозносит Тя, Богородице, челове́честии же роди вси Мать Ты́ Божію сла́вим и почитаемъ пречестное́ Твое́ успѣние, Цари́це: Тебѣ бо ра́ди земни́и небѣ́снымъ совокупа́ются, согла́сно пою́ще Бо́гу: Аллилу́иа.

Икос 9

Ветѣйства боговещанныхъ пророческихъ речений ны́не зримъ о Тебѣ́ сбывша́яся, Богородице, ꙗ́ко воистину́ Бо́га плоти́ю родила́ еси́ намъ. Тѣмъже та́инству словесе́ Божіа вѣрующе, вопи́емъ: Ра́дуйся, зако́на и проро́ковъ главѣ́зно соверше́нная; ра́дуйся, звездѣ́ Иа́ковля, Валаа́момъ пророкована́я. Ра́дуйся, одре́ Царя́ Вели́каго, вещанны́й Соломо́номъ; ра́дуйся, руно́, ороше́нное Иису́сомъ, образованное́ Гедео́номъ. Ра́дуйся, Неопали́мая Купино́, законополо́жникомъ предзрѣ́мая; ра́дуйся, горѣ́ свята́я, му́жемъ жела́ния усмотрѣ́нная. Ра́дуйся, лѣ́стнице небѣ́сная, Иа́ковомъ предвѣди́мая; ра́дуйся, двѣ́ре непроходи́мая, Иезеки́илемъ предзрѣ́мая. Ра́дуйся, со́лнце селѣ́ния Христо́ва, псалмопѣ́вцемъ предъя́вленное; ра́дуйся, та́инство, многообра́зне проро́ки пронаре́ченное. Ра́дуйся, пророческихъ глаго́лъ всехъ, предрече́нныхъ о

Тебѣ, конѣцъ принѣсшая; радуйся, Вышняго смотрѣнія вся за спасѣние міра совершившая. Радуйся, Обрадованная, во успѣнии Твоѣмъ насъ не оставляющая.

Кондак 10

Спасти хотѣ миръ, Иже всехъ Господь отъ земнаго Тя рода избрѣ въ Матерь Себѣ и, насъ ради бывъ человекъ, взыде, отнюдуже снѣде, къ небесѣмъ отъ земли, и Тебѣ съ Собой возведе ко пребыванію во славѣ вѣчной и соцѣрствованію съ Собой, конца не имущему. Тѣмъже, яко Богъ, слышитъ отъ всехъ: Аллилуіа.

Икос 10

Стенѣ еси вѣрнымъ, Богородице Дѣво, и заступленіе всемъ, къ Тебѣ прибегающимъ, ибо небесѣмъ и земли Творецъ, отъ Тебѣ плотию прошѣдъ, Пречистая, духомъ и тѣломъ въ небесная Тя пресели, ко ближайшему предстательству о всехъ, ихъже приглашати научи: Радуйся, граде Царя Великаго верху горы небесныя; радуйся, стено и покрове, не крывающійся отъ нашего притеканія. Радуйся, вѣрнымъ на враги пособствующая; радуйся, нашествія агарянская побеждающая. Радуйся, веры благочестивыя недвижимое сохраненіе; радуйся, еретичествующихъ полковъ разореніе. Радуйся, радость и умирѣніе міру сущая; радуйся, всегубительнаго ада поправ-

шая. Рáдуйся, воинствующих на плоть целомудрием изрядное венчáние; рáдуйся, мученических подвигов всечестное прославлénие. Рáдуйся, преподобных трудом Ходáтайце блаженнаго упокоénия; рáдуйся, иноком благоскорбящим Подáтельнице вéчнаго рáдования. Рáдуйся, Обрадованная, во успéнии Твоём нас не оставляющая.

Кондак 11

Пéние всякое богодухновéнных пéсней не довлéет от нас ко похвалé всечестнаго успéния Твоего, всехвáльная Владычице, Царйце Богородице, но усérдно Тебé приносим, я́ко Мáтери Царя́ всех, смирённое молéние нáше, с небéсными чинми пою́ще единому досто́йно прославля́ющему Тя Бо́гу: Аллилу́иа.

Икос 11

Светопрйёмная свещá истиннаго Свёта сущим нам на землй я́вльшися, дýши просвещáеши и чтýщих Твоё всечестное преставлénие к рáзуму божéственному наставля́еши, да поём Ти сицевáя: Рáдуйся, свещé неугасймая огня́ невещéственного; рáдуйся, зарé незаходймая Свёта неведёрнаго. Рáдуйся, луно́, от Сóлнца правды облиставáемая; рáдуйся, свётлосте, во тьме светя́щая. Рáдуйся, светильни-

че, на свѣщнице превышнем поставленный; радуйся, истóч-
ниче жízни, из грóба во свет изведённый. Радуйся, Мáти
Свѣта ўмнаго, благочестíвых дúши просвещáющаго; радуй-
ся, Мáти всех Бóга, озлóбленных дúши утешáющаго. Радуй-
ся, упова́ющим на Тя животá конéц непосты́дный дáрующая,
радуйся, достоя́ние Бóжиим и Сво́им рабóм на Судé Сы́на
Твоегó одесну́ю Егó устрóяющая. Радуйся, Преблáженная,
яко Тобо́ю блáжени есмь и мы, иже Помóщницу Тя и́мамы;
радуйся, Преблагословéнная в род и род, яко Господь с То-
бо́ю, и Тобо́ю с нáми. Радуйся, Обрáдованная, во успéнии
Твоём нас не оставлáющая.

Кондак 12

Благода́ть высокопресто́льные сла́вы, на небесéх даровáн-
ную Богомáтери, почтénной седéнием одесну́ю Сы́на Ея́ и
Бóга видяще гóрнии умы́, подъя́ша Ю́ престóли и сýлы, окру-
жйша́ началá и влáсти, припадóша стрáшнии херувíми, се-
рафíми и госпóдства, со архáнгелы и áнгелы вопи́юще: Ал-
лилу́иа.

Икос 12

Пою́ще всечестнóе Твоé успéние, восхваля́ем вси ко пре-
небéсным возшéствие Твоé, Царíце Богомáти. Ты же освя-

ти, прослави и спаси всех, любовью поющих Тебе: Радуйся, очистившая землю пречистыми ног Твоих стопами; радуйся, освятившая воздух восхождением Твоим к небеси. Радуйся, на небесный круг возступившая; радуйся, вся доброты неизреченныя зрящая. Радуйся, во славе приседящая Престолу Сына Твоего и Бога; радуйся, с Сыном и Богом вечно царствующая. Радуйся, красот в деснице Господней, украшающая блажащих Тя всех небесных; радуйся, обрадовавшая надеянием на Тя всех земных. Радуйся, облеченная в солнце, сияющая благодатию и славою всей вселенней; радуйся, обещающая сохранять и спасати призывающих Тя всех в поднебесней. Радуйся, от христианских родов Мати Божия почитаемая и Богородица именуемая; радуйся, от восток солнца до запад преславно и православно от всех благочестивых славимая. Радуйся, Обрадованная, во успении Твоем нас не оставляющая.

Кондак 13

О Всепетая Мати Безсмертнаго Царя небес и земли, Христа Бога нашего, живущая и по смерти, нынешняя приношения о всечестнем Твоем успении от нас приемши, в жизни сей и в смертном успении нашем от всякия напасти, бед и муки избави и Небеснаго Царствия нас, Царнице, сподоби, о Тебе вопиющих: Аллилуиа.

Этот кондак читается трижды, затем 1-й икос: «Ангел

предстатель...» и 1-й кондак: «Избранной от всех родов...»

Молитва

О Пресвятая Богородице Дѣво, Владычице, вышшая ангел и архангел и всея твѣри честнѣйшая, ангельское великое удивлѣние, пророческая высѣкая проповѣдь, апостольская преславная похвало, святителей изрядное украшѣние, мучеников крѣпкое утверждѣние, иноков спасительное наставлѣние, постников неизнемогающее воздержаніе, дѣвствующих чистото и славо, матерей тихое весѣліе, младенцев мудросте и наказаніе, вдовиц и сирых кормильнице, нагих одѣяние, болящих здравіе, плѣнников избавлѣние, по морю плавающих тишино, обуреваемых небурное пристанище, блуждающих нетрудная наставнице, путешествующих легкое прохождѣние, труждающихся благое покое, в бедахъ сущихъ скорая Заступнице, обидимыхъ покрове и прибежище, ненадеющихся надеяние, требующихъ Помощнице, печальныхъ присное утѣшѣние, ненавидимыхъ любовное смиреніе, грѣшниковъ спасѣние и к Богу присвоѣние, правыхъ всехъ твердое ограждѣние, непобѣдимое помощѣние и заступлѣние! Тобѣю намъ, Владычице, Невидимый видимъ бысть, и Тебѣ мольбу приносимъ, Госпоже, грѣшнии раби Твои: О Премилостивая и Пречудная Свѣта умнаго Царице, рождающая Царя Христа, Бога нашего, Живодавца всехъ, от небесныхъ слави́мая и от земныхъ хвали́мая, ангельский уме,

светозáрная звездó, святых Пресвятейшая, Владычице всех твáрей, Боголéпная, Несквérная Невéсто, пала́то Ду́ха Пресвята́го, о́гненный Престо́ле Невидимаго Царя́, небéсный киво́те, носи́ло Сло́ва Бо́жия, огнеобра́зная колесни́це, по́коище жива́го Бо́га, неизрече́нное составле́ние плóти Христо́вы, гнездо́ Орла́ Небéснаго, Го́рлице Богогласная, Голуби́це крóткая, тихая и незлобивая, Ма́ти чадолюбивая, мило́стей бéздно, разверга́ющая ту́чу гнéва Бо́жия, неизмерима́я глубино́, неизрече́нная та́йно, несвéдомое чу́до, нерукотворéнная Цéркве Еди́наго Царя́ всех век, благоухáнное кади́ло, честна́я багряни́це, боготка́нная порфи́ро, душе́вный раю́, живонóснаго са́да о́трасле, цвёте прекра́сный, процвётший нам небéсное весéлие, грóзде спасéния на́шего, ча́ше Царя́ Небéснаго, в нейже растворис́я от Ду́ха Свята́го вино́ неисчерпа́емая благода́ти, Хода́таице зако́на, зача́ло и́стинных ве́ры Христо́вы непоколебимый сто́лпе, мечу́ я́рости Бо́жия на богопротивных, бесóв устраше́ние, во бра́нех побежде́ние, христиа́н всех нелóжная Храни́тельнице и ми́ра всего́ извёстное спасéние!

О Всемилостивая Госпоже́, Де́во Влады́чице, Богоро́дице, услы́ши нас, моля́щихся Тебе́, и яви́ мило́сть Твою́ на лю́дех Твои́х, моли́ Сы́на Своего́ изба́виться нам от вся́каго зла и сохрани́ обитель на́шу и вся́ку обитель, и град, и страну́ ве́рных, и лю́ди, благоче́стно прибега́ющие и призы́вающие и́мя Твое́ свято́е, от вся́кия напа́сти, губи́тельства, гла́да, тру́са, пото́па, огня́, мечá, нашéствия иноплеме́нников


и междоусобныя брани, от вѣяния болѣзни и всякаго обстоянія: да ни ранами, ни прещеніем, ни мором, ни всяким гнѣвом Божіим умалятся рабѣ Твоѣ. Но соблюдай и спасай милостию Своею, Господжѣ, за ны молящися, и полезное благораствореніе воздуха во времени плоднаго приношенія нам даруй. Облѣгчи, возстави и помилуй, Премилостивая Владычице, Богородице препѣтая, во всякой бѣдѣ и нуждѣ сущія. Помяни рабѣ Твоѣ и не презри слез и воздыханія нашего, и обнови нас благаго милостию Своею, да со благодареніем утешаемся, обрѣтше Тя Помощницу. Умилосердися, Господжѣ Пречистая, на немощныя люди Твоѣ, надеждо наша. Разсѣянныя собери, заблудшія на путь правый настави, отпавшія от благочестивыя отеческия вѣры паки возврати, старость поддержи, юныя вразуми, младенцы воспитай и прослави славящія Тя, изряднее же — Церковь Сына Твоего соблюди и сохрани в долготу дний. О Милостивая и Премилостивая Царице небесъ и земли, Богородице Приснодѣво! Ходатайством Твоим помилуй страну нашу и войнство ея и вся православныя христианы, сохраняющіе их под кровом милости Твоея, ризою Твоею честною защити и моли из Тебѣ воплощагося без семени Христа Бога нашего, да препояшет ны свыше силою на вся видимыя и невидимыя враги наша. Спаси же и помилуй, Господжѣ, Великаго Господина и Отца нашего Кирилла, Святѣйшаго Патриарха Московскаго и всея Руси, преосвященныя митрополиты, архіепископы и епископы православныя, іереи же и диаконы

и весь причет церковный, и весь монашеский чин, и вся правоверныя люди, поклоняющиеся и молящиеся пред честною Твоею иконою. Призри на всех нас призрением милостивнаго Твоего заступления, воздвигни нас из глубины греховных и просвети очи сердечныя ко зрению спасения, милостива нам буди зде и на Страшнем Суде Сына Твоего о нас умоли, преставльшиися во благочестии от жития сего рабы Твоя в вечней жизни со ангелы и архангелы и со всеми святыми причти, да одесную Сына Твоего Бога предстанут, и молитвою Твоею сподоби вся православныя христианы со Христом жити и радости ангельския в небесных селениях наслаждаться. Ты бо еси, Госпоже, слава небесных и упование земных, Ты наша надежда и Заступница всех притекающих к Тебе и Твоея святыя помощи просящих. Ты молебница наша теплая к Сыну Твоему и Богу нашему. Твоя матерняя молитва много может на умоление Владыки, и Твоим предстательством ко престолу благодати Пресвятых и Животворящих Его Таин приступати дерзаем, аще и недостойнии. Темже всечестный образ Твой и рукою Твоею держаемаго Вседержителя видяще на иконе, радуемся, грешнии, со умилением припадающе, и любовию сей целуем, чающе, Госпоже, Твоими святыми богоприятными молитвами дойти небесныя безконечныя жизни и непостыдно стати в день судный одесную Сына Твоего и Бога нашего, славяще Его купно со Безначальным Отцем и Пресвятым, Благим, Животворящим и Единосущным Духом, во веки веков. Аминь.

Акафист

Покрову Пресвятой Богородицы

(празднование 1/14 октября)



Кондак 1

Избранней Предвѣчным Царѣм, превышшей всякаго со-
здання небесѣ и земли Царице, пришедшей иногда во Вла-

хѣрнскую цѣрковь на молитву, достойное поклонѣние с благодарѣнием приносяще, яко во тьме сущии, под Твой свѣтящійся омофѣор с вѣрою и умиленіем прибегаем. Ты же, яко имущи державу непобѣдимую, от всяких нас бед свободай, да зовѣм Ти: Радуйся, Радосте наша, покрый нас от всякаго зла честным Твоим омофѣором.

Икос 1

Архангел и ангел множество, со Предтѣчею, Богословом и всех святых ликом, сопредсташа Тебѣ, Царице своей, в цѣркви Влахѣрнстей и, умиленная молѣния Твоя о всем міре слышавше, со удивленіем возопиша таковая: Радуйся, Бога Отца безначальнаго предвѣчное благоволеніе; радуйся, Бога Сына безлѣтнаго пречистое вместилище. Радуйся, Бога Духа Всесвятаго избранное жилище; радуйся, горних чинѣвъ ангельских непрестающее удивленіе. Радуйся, тѣмных сил адских всегрозное устрашеніе; радуйся, Юже на воздухѣ сретают многоочіити херувими. Радуйся, Ейже похвальная восписуют шестокрилати серафими; радуйся, Еяже преблагому покрову и мы, земнорѣднии, благодарне покланяемся. Радуйся, Радосте наша, покрый нас от всякаго зла честным Твоим омофѣором.

Кондак 2

Видевше Тя святы́й Андре́й со Епифа́нием в це́ркви на возду́се за христиа́ны Бо́гу моля́щуюся, позна́ша, я́ко Ма́терь еси́ возне́сшагося на не́бо Христа́ Бо́га на́шего, и, припа́дше на зе́млю, ра́достно покланя́хуся всеблагóму покрóву Твоему́, зову́ще: Аллилу́иа.

Икос 2

Ра́зум неуразуме́нен еси́, Богоро́дице Де́во, в защи́щении люде́й правосла́вных, сего́ ра́ди врази́ на́ши не позна́ют, ко́ль сильна́ есть моли́тва Бо́жия Ма́тере. Мы же, о Твое́м всемо́щнем заступле́нии до́бре ве́дуще, си́це к Тебе́ со умиле́нием зове́м: Ра́дуйся, пре́милосе́рдая Уте́шительнице всех скорбя́щих и обремене́нных; ра́дуйся, неусыпа́ющая Нача́внице всех заблуждших и ослепле́нных. Ра́дуйся, пра́ведно дви́жимый гнев Бо́жий на нас Твои́м мо́лением ско́ро утоля́ющая; ра́дуйся, злы́я стра́сти на́ша всемо́щным манове́нием укроща́ющая. Ра́дуйся, крѣ́пкое возбу́ждение спя́щих со́вестей; ра́дуйся, нетру́дное преодоле́ние беззако́нных на́выков. Ра́дуйся, Ея́же ра́ди ад стене́т и ду́си зло́бы трепещу́т; ра́дуйся, Ея́же ра́ди врата́ ра́я всем нам отверза́ются. Ра́дуйся, Ра́досте на́ша, покрый нас от вся́каго зла́ честны́м Твои́м

омофóром.

Кондак 3

Сила Вы́шняго осеняет с ве́рою и благоговéнием прибега́ющих к Твоему́ всечестнóму покрóву: е́диной бо то́чию Тебé, Пресвяте́й и Пречи́стей Ма́тери Бо́жией, даде́ся, да всякое проше́ние Твое́ исполнится. Тем у́бо всяк во́зраст ве́рных славослóвит Тя и Сы́на Твоего́, зову́щ: Аллилу́иа.

Икос 3

Иму́щи бога́тство милосе́рдия неоску́дное, всем конце́м земли́ простира́еши ру́ку по́мощи, Влады́чице: боля́щим исцелéние, стра́ждущим осла́бу, слепы́м прозрéние и всем вся по коегóждо потре́бе пода́еши, благода́рне вопию́щим: Ра́дуйся, Правосла́вия несокруши́мая крéпосте и ограда́; ра́дуйся, святы́х хра́мов и олтарéй первей́шее украше́ние. Ра́дуйся, благоче́стия верней́шее огражде́ние; ра́дуйся, благосе́рдых градоправите́лей неусыпа́ющая Споспéшнице. Ра́дуйся, непобеди́мая Воево́до вождéй и во́инств христиа́нских; ра́дуйся, свято́е зерца́ло пра́вды судия́м немздоприимным. Ра́дуйся, соверше́нный ра́зуме наста́вников и де́тководите́лей; ра́дуйся, благослове́ние домо́в и семе́йств благочестивых. Ра́дуйся, Ра́досте на́ша, покрый нас от всякого

зла честным Твоим омофором.

Кондак 4

Бурею многих бед одержимым нам помогаеши, Владычице: стоиши бо пред лицем олтаря Господня воздвигши рuce Твой, и молишися, яко да нашу недостойную молитву призрит Господь, Царь Славы, и послушает прошения призывающих имя Твое святое, к Сыну же Твоему зовущих: Аллилуиа.

Икос 4

Услыша Господь Бог Иисуса Навина, молящаяся и повелевающая солнцу стати, дондеже отмстит врагом. Слышит и Твоя ныне моления Господь Иисус, избранная палата Духа Святаго. Темже и мы, грешнии, на Твой надеющиеся покров, Тебе, яко Божией Матери, глаголати дерзаем: Радуйся, от Солнца мысленного озаренная и нас светом незаходимым просвещающая; радуйся, сиянием пречистых душ Твоея всю землю просветившая. Радуйся, чистотою телес Твоего вся небеса возвеселившая; радуйся, святых обителей Христовых покров и снабдение. Радуйся, верных пастырей Церкви бодрость и вразумление; радуйся, богобоязненных иноков и инокинь Наставнице. Радуйся, невозмущаемое

успокоѣние благоговѣйныхъ старцевъ; радуйся, тайное весѣлие чистыхъ девъ и вдовицъ. Радуйся, Радосте наша, покрый насъ отъ всякаго зла честнымъ Твоимъ омофоромъ.

Кондак 5

Боговидецъ Моисей во ополченіи иногда на Амаліка, егда рuce воздвизаше, Израиль одолеваше, егда же рuce низпускаше, тогда Амаликъ побеждаше, поддерживающими же его укрепленъ, победи врага. Ты же, о Богомати, воздѣвши рuce Твой на умоленіе, аще и никимже поддержи́ма, всегда побеждаеши враги христіанскія и намъ щитъ еси непобѣдимъ, вопиющимъ: Аллилу́иа.

Икос 5

Видевше Тя святыхъ собори на воздусе в цѣркви Влахернстей молебнии рuce къ Сыну и Богу простирающую, радостно со архангелы и ангелы благодарную Ти песнь воспѣша. Мы же, крепчайшима, паче Моисѣвыхъ рукъ, дланьма Твоима укрепляеми, умильно вопіемъ: Радуйся, Еяже рuce поддержитъ за всехъ насъ единая Ея къ намъ любы и милосѣрдіе; радуйся, предъ Неоуже вразі наши, видимии и невидимии, стояти не могутъ. Радуйся, темное полчище страстей и похотей нашихъ прогоняющая; радуйся, Огнь Божественный —

Христá неопáльно на руку Своею держа́щая и нас, хла́дных, тем воспламеня́ющая. Ра́дуйся, во́инствующих на плоть целому́дрием изря́дное венча́ние; ра́дуйся, подвижа́ющихся в постé и безмо́лвии прísное собесéдование. Ра́дуйся, изнемога́ющих от уны́ния и печа́ли ско́рая Уте́шительнице; ра́дуйся, благода́тию смире́ния и терпе́ния снабдева́ющая. Ра́дуйся, Ра́досте на́ша, покрýй нас от вся́каго зла честным Тво́им омофо́ром.

Кондак 6

Пропове́дник неоскудева́емая благода́ти и ми́лостей Тво́их яви́ся святы́й Рома́н Сладкопе́вец, егда́ от Тебе́ во сне при́ят свéток кни́жный на снeдéние: тем у́бо умудре́н нача́ разу́мно пéти во сла́ву Твою́, святы́м же писа́ти похва́льная, зыва́я с ве́рою: Аллилу́иа.

Икос 6

Воссия́ла еси́ от и́стиннаго Со́лнца пра́вды заря́, Де́во Богоотрокови́це, просвеща́ющая всех прему́дростию Бо́га Сы́на Твоего́ и в позна́ние и́стины приводя́щая зову́щих Ти тако́вая: Ра́дуйся, Бо́жию Си́лу и Бо́жию Прему́дрость – Христá плóтию породив́шая; ра́дуйся, юро́дивую му́дрость ве́ка сего́ посрамив́шая и ослепле́нных ёю на путь пра́вый

наставляющая. Рáдуйся, святыя вѣры охранѣние и правос-
лáвных догмáтов Настáвнице; рáдуйся, нечестивых ёресей
и тлетворных раскóлов Искоренительнице. Рáдуйся, тайная
и неудобь предвиденная вся дóбре вѣдущая и ймже подо-
баёт сказующая; рáдуйся, лживых провидцев и суетная га-
дáния посрамляющая. Рáдуйся, в час недоумѣний мысль
блáгу на сѣрдце полагающая; рáдуйся, от пагубных начи-
нáний и несмысленных пожелáний воспящая¹. Рáдуйся,
Рáдосте нáша, покрый нас от всякаго зла честным Твоим
омофóром.

Кондак 7

Хотяй долготерпеливый Всеви́дец Господь явити Свое-
го человеколю́бия неизслѣдимую щедрóт бездну, избра́ Те-
бе е́дину в Мáтерь Себе́ и сотвори́ Тя лю́дем непреодоле́н-
ное защище́ние: да áще кто от них и прáведным судомъ Бóжи-
им осужде́ния досто́ин явится, Твоимъ о́баче держáвным по-
крóвомъ сохраня́ется на покая́ние, зовый: Аллилу́иа.

Икос 7

Дивная показáл еси́ дела́ Твоя́ в Пречистей Мáтери Тво-
ей, Гóсподи, егда́ пречудный омофóр в руце́ Ея́ светящийся

¹ Воспящая отводящая.

па́че луч со́лнечных я́вися, їмже покрыва́ше лю́ди, су́щия в
це́ркви Влахе́рнстей. О тако́м у́бо зна́мении милосе́рдаго
Ея́ заступле́ния услы́шавше, у́жасом и ра́достию одержи́ми,
вси глаго́лаху: Ра́дуйся, нерукотворе́нный омофо́р, а́ки обо́-
лак, над всем ми́ром распросто́ршая; ра́дуйся, преве́чнаго
Архиере́я, Сы́на Своего́, зна́мение на руце́ Свое́й держа́щая.
Ра́дуйся, но́вую ми́лость и но́вую благода́ть сим в Це́ркви
Правосла́вней явля́ющая; ра́дуйся, сто́лпе обо́лачный от иску́-
ше́ний и собла́знов ми́ра всех нас покрыва́ющий. Ра́дуйся,
сто́лпе о́гненный, среди́ мглы греха́ всем нам путь спасе́ния
показу́ющий; ра́дуйся, я́вных благоче́стия подви́жников я́в-
ное укрепле́ние. Ра́дуйся, та́йных среди́ ми́ра рабо́в Бо́жиих
та́йное вразумле́ние; ра́дуйся, и мене́, обнаже́ннаго до́брых
дел, не оста́вляющая Свои́м покрóвом и благода́тию. Ра́дуйся,
Ра́досте на́ша, покрый нас от вся́каго зла честны́м Твои́м
омофо́ром.

Кондак 8

Дивно́ Тя от небе́с во Влахе́рнстей це́ркви я́вляшующя́ а́н-
гели воспе́ша, апо́столи просла́виша, лик святите́лей и пре-
подобных и жен святы́х сосло́вие восхва́лиша, Предте́ча с
Богосло́вом поклони́шася, лю́дие же, су́щии в це́ркви, с ве-
се́лием вопия́ху: Аллилу́иа.

Икос 8

Всѣми вы́шними и нѣжными влады́чествуя Господь, узрѣв
Тя в цѣркви Мать Свою стоящу и со умиленіем к Немѹ мо-
лящуся, рече: Проси́, Мати Моя, зане́ не отвращу́ся Тебѣ, но
исполню́ вся проше́ния Твоя́ и благодарственная си́це Тебѣ
всех пѣти научу́: Ра́дуйся, ковче́же завета́, в нёмже хранится́
освяще́ние всего́ ро́да челове́ческаго; ра́дуйся, ста́мно² пре-
свята́я, в нейже а́лчущим пра́вды блюде́тся Хлеб жи́зни ве́ч-
ныя. Ра́дуйся, сосу́де всезлатый, в нёмже угото́вася нас ра́ди
плоть и кровь Божѣственнаго А́гнца; ра́дуйся, оста́вленных
врача́ми на свои́ всемо́щныя ру́це приѣмлю́щая. Ра́дуйся,
рассла́бленных те́лом, но не ду́хом и ве́рою, со одра́ болѣзни
воздвиза́ющая; ра́дуйся, погубля́ющим от недуга́ ум но́вый
и лу́чший смысл пода́ющая. Ра́дуйся, на стропотнем пу́ти
греха́ и страсте́й нас премудре запи́нающая; ра́дуйся, же-
сто́кость нераска́яннаго се́рдца на́шего умиля́ющая. Ра́дуй-
ся, Ра́досте на́ша, покрый нас от всяка́го зла честным Твои́м
омофо́ром.

Кондак 9

Все естество́ а́нгельское похва́льная прино́сит Тебѣ,

² Ста́мна – сосуд.

исти́нней Бо́жией Ма́тери и Засту́пнице всех притека́ющих к Тебе́, ве́дуще, я́ко несокруши́мым покрóвом Твои́м пра́ведных возвеселя́еши, грѣшных заступа́еши, бе́дствующих избавля́еши и мо́лишися о всех ве́рных, зову́щих: Аллилу́иа.

Икос 9

Вети́и многовеща́ннии, я́ко ры́бы безгла́снии, недоуме́ют, ка́ко восхвали́ти по досто́янию вели́кий всечестна́го Покрóва Твоего́ пра́здник: вся бо о Тебе́ от них глаго́лемая не суть дово́льна к еди́ному исчисле́нию щедро́т Твои́х. Мы же, Твоя́ неисче́тная благодея́ния ви́дяще, с весе́лием взыва́ем: Ра́дуйся, от я́звы и всегуби́тельства сме́ртнаго нас соблюда́ющая; ра́дуйся, от внеза́пнаго колеба́ния земли́ гра́ды и ве́си сохраня́ющая. Ра́дуйся, от разли́яния вод и потопле́ния руко́ю кре́пкою возводя́щая; ра́дуйся, от запале́ния о́гненнаго росóю моли́тв Твои́х избавля́ющая. Ра́дуйся, от гла́да душе́внаго и теле́снаго Хле́бом жи́зни снабдева́ющая; ра́дуйся, уда́ры мо́лнии и гро́ма от главы́ на́шея отводя́щая. Ра́дуйся, от наше́ствия инопле́мѣнник и та́йных уби́йц спаса́ющая; ра́дуйся, от дома́шния бра́ни и вражды́ единокрóвных ми́ром и любóвию огражда́ющая. Ра́дуйся, Ра́досте на́ша, покрый нас от вся́каго зла честны́м Твои́м омофо́ром.

Кондак 10

Спасти хотѣй родъ человѣческій отъ прѣлести вражія Человѣколюбецъ Господь Тебѣ, Матерь Свою, дарова земнымъ намъ въ по́мощь, покрѣвъ и за́щиту, да будѣши печальнымъ утѣшеніе, скорбящимъ ра́дование, обидимымъ Застѣпница и да всехъ изъ глубины грѣховныя воздвигнеши, поющихъ: Аллилу́иа.

Икос 10

«Царю́ Небѣсный, — глаго́лаше въ моли́тве на воздѣсе со́ ангелы стоя́щая всенепоро́бная Цари́ца, — приими́ всякаго чело́вѣка, моля́щася къ Тебѣ и призыва́юща́ имя́ Моё на по́мощь, да не оты́детъ отъ ли́ка Моего́ тощъ и неуслы́шанъ». Сію́ всеблагую́ моли́тву слы́шавше, собо́ри святы́хъ благода́рно возо́пиша: Ра́дуйся, чи́стыхъ рука́ми и се́рдцемъ земледе́льцевъ благослове́нными пло́дами венча́ющая; ра́дуйся, по́моще и пра́ведное мздовозда́ние всемъ пра́во кѹ́плю де́ющимъ. Ра́дуйся, клятвопреступле́ний и непра́ведныхъ стяжа́ний всена́родное обли́ченіе; ра́дуйся, бе́дствующимъ въ пу́ти, на су́ше и вода́хъ внеза́пное вспомо́жение. Ра́дуйся, безча́дныхъ роди́телей пло́дами ве́ры и ду́ха веселя́щая; ра́дуйся, безма́тернихъ сирѣ́тъ незри́мая Воспита́тельница. Ра́дуйся, крѣ́пкая Застѣпнице́ су́щихъ въ плену́ и изгна́нии; ра́дуйся,

неусыпающая Попечительнице во úзах и темнице сидящих. Рáдуйся, Рáдосте нáша, покрый нас от всякаго зла честным Твоим омофóром.

Кондак 11

Пéние всеумилénное слы́шаще и тёплей Твоей моли́тве о нас внéмлюще, прóсим Тебé, Дéво Богорóдице, не прéзри глáса рабóв Твоих: к Тебé бо в напáстех и скóрбех прибега́ем и пред Тобóю в бедáх нáших слéзы пролива́ем, зову́ще: Аллилу́иа.

Икос 11

Яко светоприёмную свещу́, в моли́тве горящую, видящи Тя на воздýсе Влахёрнская цéрковь, согла́сно со мно́жеством люде́й, в ней бы́вших, возглаша́ше: «Откúду мне сие, да при́иде Мáти Гóспода моего́ ко мне?» Святы́й же Андре́й со Епи́фанием тёпле моля́хуся к Тебé, зову́ще: Рáдуйся, всех дарóв духо́вных и телéсных незави́стная Подáтельница; рáдуйся, полага́ющих нача́ло покая́ния грéшников вёрная Предста́тельница. Рáдуйся, борю́щихся со страстьми́ и прило́гами вра́жиими всегда́шняя Спобóрнице; рáдуйся, незримо́е укроще́ние влады́к жесто́ких и зверонра́вных. Рáдуйся, тайны́й по́кбе и отрадо́ рабóв крóтких и стра́ждущих; рáдуй-

ся, всежеланное совершение благих супружеств. Радуйся, матерей детородящих скорое и безболезненное разрешение; радуйся, в час кончины единая всем нам Помощнице. Радуйся, Радосте наша, покрый нас от всякаго зла честным Твоим омофором.

Кондак 12

Благодать Божественную испроси нам у Сына Твоего и Бога, прости нам руку помощи, отжени от нас всякаго врага и супостата и умири нашу жизнь, да не погибнем люте без покаяния, но приими нас в вечныя кровы, Покровительнице наша, да радующеся Тебе зовем: Аллилуиа.

Икос 12

Поюще Твой державный покров, хвалим Тя вси, яко твердую Предстательницу нашу, и покланяемся Тебе, о нас молящейся: веруем бо и надеемся, яко испросиши у Сына Твоего и Бога благая вечная и временная всем с любовью вопиющим Тебе сие: Радуйся, всей вселенней крепкое заступление; радуйся, всех стихий земных и небесных освящение. Радуйся, всех времен года благословение; радуйся, всех наветов и искушений, от мира, плоти и диавола находящихся, поправление. Радуйся, нечаемое примирение ожесточенно враж-

дующих; радуйся, недовѣдомое исправлѣние нераскаѣнных грѣшников. Радуйся, не отвергающая всеми презрѣнных и отверженных; радуйся, самихъ отчаянныхъ отъ рова погѣбели исхищающая. Радуйся, Радосте наша, покрый насъ отъ всякаго зла честнымъ Твоимъ омофоромъ.

Кондак 13

О Всепѣтая Мати, Пречистая Госпожѣ, Дѣво Богородице! Къ Тебѣ возвождѹ душѣвныя и телѣсныя очи, къ Тебѣ простираю разслабленныя рѹце и изъ глубины сѣрдца вопию: призри на вѣру и смиреніе душѣ моея, покрый мя всемоуощнымъ омофоромъ Твоимъ, да избавлюся отъ всехъ бедъ и напастей, и въ часъ кончины моея, о Всеблагая, предстанѣ мнѣ и уготоуваннаго ради грѣховъ моихъ избави мученія, да выну покланяяся зовѹ: Аллилуѣа.

Этотъ кондакъ читается трижды, затѣмъ 1-й икосъ «Архангелъ и ангелъ мноужество...» и 1-й кондакъ «Избранней Предвѣчнымъ Царѣм...»

Молитва³


О Пресвятая Дѣво, Мати Господа вышнихъ силъ, небе-

³ Изъ молебнаго пѣнія въ праздникъ Покрова Пресвятой Богородицы о всехъ православныхъ христианахъ во узахъ темничныхъ пребывающихъ.

се и земли Цариче, града и страны наша всемо́щная Засту́пнице! Прими́ хвале́бноблагодáрственное пѣние сие́ от нас, недостойных раб Твои́х, и вознеси́ моли́твы наша ко Престо́лу Бо́га Сы́на Твоего́, да ми́лостив бу́дет неправда́м нашим и проба́вит благода́ть чту́щим всечестно́е и́мя Твое́ и с ве́рою и любóвию покланя́ющимся чудотво́рному образу Твоему́. Не́смы бо досто́йны от Него́ поми́ловании бы́ти, а́ще не Ты уми́лостивиши Его́ о нас, Влады́чице, я́ко вся Тебе́ от Него́ возмо́жна суть. Сего́ ра́ди к Тебе́ прибе́гаем, я́ко к несо́мненней и ско́рой Засту́пнице на́шей: услы́ши нас моля́щихся Тебе́, осени́ нас вседержáвным покрóвом Твои́м и испроси́ у Бо́га Сы́на Твоего́ па́стырям на́шим ре́вность и бде́ние о душа́х, градоправите́лем му́дрость и си́лу, судия́м пра́вду и нелицепри́ятие, наста́вникам ра́зум и смиренному́дрие, супру́гам любóвь и согла́сие, ча́дам послуша́ние, оби́димым терпе́ние, оби́дящим страх Бо́жий, скорбя́щим благоду́шие ра́дующимся воздержáние: всем же нам дух ра́зума и благо́честия, дух милосе́рдия и крóтости, дух чистоты́ и пра́вды. Ей, Госпоже́ Пресвята́я, умилосе́рдися на немо́щные люди Твоя́; разсе́янные собери́, заблудши́я на путь пра́вый наста́ви, в заключе́нии во у́зах находя́щихся и Тя призыва́ющих ско́ро посети́ и при́зри на всех нас призре́нием ми́лостивого твоего́ заступле́ния, воздвигни нас из глубины́ грехо́вныя и просвети́ серде́чныя о́чи наша ко зре́нию спасе́ния; ми́лостива нам бу́ди zde и та́мо, в стране́ земна́го пришельства́, и на Стра́шнем Суде́ Сы́на Твоего́. Ты бо еси́, Госпоже́ сла́ва

небѣсныхъ и упованіе земныхъ, Ты по Бѣзѣ наша надежда и
Застѣпница всехъ притекающихъ къ Тебѣ съ вѣрою. Къ Тебѣ ѹбо
молимся и Тебѣ, яко Всемогущей Помощнице, сами себѣ и
другъ друга и весь животъ нашъ предаѣмъ, нынѣ и присно и во
вѣки вѣковъ. Аминь.

**Акафист
Пресвятой Богородице в честь
иконы Ея Боголюбской
(празднование 18 июня/1 июля)**



Кондак 1

Взбрáнной Воевóде, Боголюбíвей Царíце, превýсшей

всякаго создáния, Дéве и Мáтери Христá Бóга, похвáльная
воспису́ем Ти раб́и Твой, Богорóдице! Ты же, я́ко Боголю-
бивая и Всеми́лостивая Мáти, благоизво́лившая яви́ти пре-
свѣтлый Свой лик благове́рному на́шему князю Андрею, от
бед и скорбе́й сохрани ны и храм сей, да зове́м Ти: Ра́дуй-
ся, Боголюбивая Цари́це Богорóдице, Наде́ждо и Прибе́жи-
ще на́ше.

Икос 1

Ангелов превы́шую вся Небе́сныя С́илы велича́ют Тя,
Богорóдицу Цари́цу, мы же грѣшнии на земли, чу́дному
Бóжию о Тебѣ смотре́нию дивя́щися, всею душе́ю, се́рдцем
и устна́ми дерза́ем глаго́лати: Ра́дуйся, благослове́нная в же-
на́х Дéво Благода́тная; ра́дуйся, Всевы́шняго Мáти, Ду́ха
Свята́го пребыва́ние. Ра́дуйся, Цари́це небесе́ и земли и всех
Небе́сных Сил вы́шая; ра́дуйся, а́нгелы чтима́я, от сераф́им
воспева́емая. Ра́дуйся благословля́емая на небеси́ и сла́ви-
мая на земли; ра́дуйся, воистину Присноблаже́нная и Пре-
непорóчная. Ра́дуйся, Боголюбивая Цари́це Богорóдице, На-
де́ждо и Прибе́жище на́ше.

Кондак 2

Ви́дящи Преми́лосе́рдная Мáтерь Бóжия земно́е ско́рбное

житіе наше, нѣмощи и болѣзни, благоизволи явити чѹдо, избрав сосѹд благодати и милостей Своихъ к намъ, благочестиваго князя Андрея. Обаче и мы с радостію несказанною припадаемъ к Тебѣ, Владычице, и из глубины души благодаримъ Тя, нашу дивную Застѹпницу, воспевающе Богу: Аллилуиа.

Икос 2

Разумѣти хотѣ чѹдо, явленное милостію Твоею, Пресвятая Богородице, егда кони, вѣзшии святыи образъ, стаща, и людіе к шествію подвигнути ихъ не возмогша, благоверный князь Андрей начатъ со слезами молитися к Тебѣ, Владычице, да покажеша, Пречистая, волю святую Свою; Ты же в видѣнии благоволила еси яже и мы, чѹдо сие воспоминающе, преклоныше колѣна, взываемъ сѣце: Радуйся, прославившая мѣсто обители Твоея дивнымъ чудодѣйствомъ и во семъ милость преизобильную намъ показавшая; радуйся, страну Владимірскую свѣтомъ Своимъ озарившая и лучи свѣта на всехъ насъ простирающая. Радуйся, Всеблагая наша Наставнице, любвию насъ привлекающая; радуйся, Охранительнице наша отъ бедъ и болѣзней. Радуйся, у Господа спасенія нашего Ходатаице, Царице наша Небесная; радуйся, за вся благодеянія Твоя благодаренію насъ научающая. Радуйся, Боголюбивая Царице Богородице, Надѣждо и Прибѣжище наше.

Кондак 3

Сѣла Вышняго осеняетъ всехъ, съ вѣрою и благоговѣніемъ притекающихъ къ Тебѣ, Пречистая Госпожѣ Богородице, и уповающихъ на Твою милость, понѣже всякое благое прошеніе приѣмлеши тѣпле. Благовѣрный князь моляше Тя, Владычице, явити волю Твою, преисполнився трѣпета предъ таинствомъ Твоего произволенія. Такожде и мы къ Тебѣ, Пречистая, прибегаемъ, умиленно вопиюще: Всемилостивая Покровительнице наша, научи и насъ прославляти всечестное и всехвальное имя Твое и достойно воспевати Богу: Аллилуиа.

Икос 3

Имѣяй на пути, яко боготѣчную звезду, честный образъ Твой, Владычице, благовѣрный князь въ прилежней молитвѣ своей предъ чудотворною Твоею иконою сподобися яве узрѣти Тя, Царицу Небесную, тѣплое ходатайство Твое Богу приносящую о мѣсте явленія Твоего и о всемъ міре. О Божія Мати, Пречистая Богородице! Со умиленіемъ припадаемъ къ Тебѣ и, богатыя Твоея милости ожидающе, умильно вопиѣмъ Ти: Радуйся, Радосте наша и крѣпкая Заступнице; радуйся, Покрове нашъ и наше Утѣшеніе. Радуйся, Охранительнице наша и наше Упованіе; радуйся, Отрадо наша и дивное о

нас попечѣние. Рáдуйся Похвалó нáша, чудесý нас удивляющáя; рáдуйся, Прибѣжище нáше и залóг вѣчнаго спасѣния. Рáдуйся, Боголюбивáя Царице Богорóдице, Надѣждо и Прибѣжище нáше.

Кондак 4

Недоумевáет ум наш, кáко достóйно есть восхвалíti Тя и дивное явлѣние Твое, Пресвятáя Владычице: я́ко сóлнце лучи испущáющи, предстáла еси молящемуся князю и тáко реклá еси: «Не хощú, да óбраз Мой несéши в Ростóв, но во Владíмире поста́ви его́; на сем мѣсте во и́мя Моегó Рождества́ цѣрковь воздвигни и обита́лище и́ноком соста́ви», и, воздévши Свои́ божественней ру́це ко Влады́чному óбразу, скры́ся от духо́вных очес его́. Преклоня́ем и мы колéна пред Тобо́ю, Боголюбивáя Мáти, и Твоя́ чúдная явлѣния и велѣния разуме́юще из глубины́ ду́ш воспева́ем Бóгу: Аллилу́иа.

Икос 4

Слы́ша Господь мо́ления Твоя́, Богоизбра́нная Царице Небéсная, обеща́ вы́ну исполнити, я́ко Преблагíя Мáтере, проше́ния Твоя́. Ты же, о Влады́чице, тогда́ реклá еси́ ко Гóсподу усты́ Своими́: «Влады́ко Многоми́лостиве, Гóсподи,

Иисусе Христэ, Сыне и Бóже Мой, молю Тя, да пребудет Божественная благодать на людех Твоих, и светозáрный луч славы Твоея да нисходит всегда на мéсто сие, Мною избáнное». Истинно исповéдуем, о Пречистая, я́ко скóро помога́вши с вéрою к Тебé прибега́ющим, и, со умилéнием воспева́юще Тебé, зовéм сйце: Рáдуйся, Молитвеннице нáша пред Гóсподем и Сы́ном Твоим; рáдуйся, Засту́пнице всего́ рóда челове́ческаго и Защи́тнице наро́да правосла́внаго. Рáдуйся, Ма́тернюю любóвь Твою́ всегда́ нам явля́ющая и вся благáя нам да́рующая; рáдуйся, рáдости нам, благодáти же и славы вéчная Ходáтаице, дивная нáша Утéшительнице. Рáдуйся, бытиé обители и ниспослáние на ню́ благодáти предвозвестившая; рáдуйся, в пáмять Твоегó явлéния храм во сла́ву Рождества́ Твоегó устро́ити указа́вшая и та́мо Цéркви Христо́вой дивное украше́ние явившая. Рáдуйся, Боголюбивая Цари́це Богородице, Надéжду и Прибе́жище нáше.

Кондак 5

Яко лучезáрную звезду́, в предéлах Влади́мирских явлéнную, узре́ князь Андре́й пресвётлый о́браз Твой, Влады́чице, и в явлéнии сем уразумéв зна́мение вéлия попечéния Бóжия о мéсте явлéния Твоегó, даде́ ему́ и́мя Боголюбивое. О Цари́це и Влады́чице! Освети́ и нас свéтом Твоим небéсным, сохраня́ющи нас под крóвом Твоим благим, услы́ши всеуми́лённыя моли́твы восхваля́ющих Тя и воспева́ющих Бóгу: Ал-

Икос 5

Видение чѹдное Богомáтере и святы́я словеса́ Ея́ при-
ёмля с радостным трéпетом, благовѣрный князь умиленно
со слезáми падé на зéмлю и слáдостно возблагодари́ Все-
вы́шняго, я́ко сподóбися узрѣти Тя, Пресвяту́ю Богорóди-
цу. Посём ускори́ цѣрковь заложити, иде́же ны́не Боголю-
бивая обитель, и́менем Твои́м красую́щаяся, мо́лится за весь
мир пред пречисти́м Твои́м о́бразом. Созерца́юще в тако-
во́м собы́тии зна́мение благода́ти, дерза́ем воспевáти си́це:
Рáдуйся, Милостивая, я́ко устро́ила еси́ тихое пристáнище
и́щущим спасéния; рáдуйся, Пресвѣтлая, я́ко свет подава́еши
всем хотя́щим жи́ти в преподóбии и тем показу́еши прáвыя
стеzí к Цáрствию Небéсному. Рáдуйся, тёплая Ходáтаице
о живу́щих в обителях Твои́х, мило́сть Свою́ вы́ну им обе-
щáвшая; рáдуйся, я́ко в трудéх иноческих им всегда́ помо-
га́еши и к трудолю́бию подвизáеши. Рáдуйся, я́ко в кѣлли-
ях мона́шеских на моли́тву вразумля́еши и к добродѣтельно-
му жити́ю рéвною возбужда́еши; рáдуйся, Хранительни-
це дивная обителей святы́х, я́ко Твое́ю благода́тною си́лою
о́ныя зи́ждятся и преспева́ют в благочéстии. Рáдуйся, Бого-
любивая Цари́це Богорóдице, Наде́ждо и Прибе́жище на́ше.

Кондак 6

Проповѣдует вся земля Россійская богатыя мѣлости Твоя, Владычице, и дивное благодѣтное князя Андрея вразумлѣние. Сему послѣдуя, благоверный князь повелѣ образ написати тем подобием, якоже ему явился Пречистая, и, обрѣт святую икону, поклонися, радостно со слезами благодаря Бога и скорую нашу Помощницу, взывая: Аллилуиа.

Икос 6

Возсия благодѣть неизреченная от цельбоносныя иконы Твоея, Пресвятая и Боголюбивая Мати. Слышим и видим величье чудес, от нея бываемое, со удивлением взираем на сию икону, яко на пресветлое лице Самой Пречистой Девы. О Госпоже, Царице и Владычице! Ты выну воздвизаеши рuce Твой на молѣние за нас пред Сыном Твоим, не презри и вопиющих Ти похвальная сия: Радуйся, во утешѣние нам даровавшая образ Твой чудотворный; радуйся, новую мѣлость и новую благодѣть сим в Цѣркви являющая и тем путь спасѣния показующая. Радуйся, Покровительнице наша, от бед нас спасающая и в скорбех быстрое облегчѣние нам посылающая; радуйся, сострадательнейшая к болѣзнем нашим, скорую помощь нам подающая. Радуйся, Боголюбивая Ца-

рице Богородице, Надеждо и Прибежище наше.

Кондак 7

Хотя благоверный князь достойно почтить пресвятую волю Твою, Владычице, собрав архиереи, священники и людей множество, да убожат Тя хвалебно собором. О чудного торжества! О премудрости судеб Твоих, Владычице! Преславно преносится чудотворная Твоя икона в дивный храм всечестного Рождества Твоего. Чудодействием прославляется церковь Твоя, о Госпоже Богородице, и вси предстоящие, радости и умиления исполнении, преклоньше колена, целуют Твой пречистый образ и взывают: О Мати Боголюбивая, осени всесильною Твоею десницею и нас, воспевающих Богу: Аллилуиа.

Икос 7

Дивна дела Твоя, Владычице! Все людие, здравии и болящие, богатыи и нищие, вси прибегаем к Тебе, сострадательнейшей Матери нашей. Не отрини нас от лица Твоего, буди милостива к нам, недостойным рабам Твоим, во всех путях жизни нашей, защити и помилуй от всея души любовью вопиющих Тебе таковая: Радуйся, ненадеющихся надеяние и печальных утешение; радуйся, о скорбящих по-

печёние и бѣдствующимъ по́моше. Ра́дуйся, а́лчущихъ Кор-
мительнице и ни́щихъ одѣяние; ра́дуйся, убо́гихъ Засту́пнице
и боля́щихъ исцелѣние. Ра́дуйся, ста́рцевъ Покрови́тельнице и
ю́ныхъ Воспита́тельнице; ра́дуйся, вражду́ющихъ примирѣние
и оби́димыхъ Защи́тнице. Ра́дуйся, Боголю́бивая Цари́це Бо-
горо́дице, Наде́ждо и Прибе́жище на́ше.

Кондак 8

Дѣ́вное чу́до пренесѣ́ния пресла́вныя ико́ны Твоея́, Вла-
ды́чице, торже́ственно вси че́ствуемъ и на вся́кое лѣ́то въ сей
свѣ́тлый пра́здникъ благода́рне воспомина́емъ вся неизче́тная
благаде́янія чудѣ́с, Тобо́ю, Пречи́стая, от ико́ны дѣ́вно ис-
точа́емыхъ; и ты, уго́дниче Бо́жий Лео́нтіе, въ по́мощь призы-
ва́емъ, чту́ще съ любобі́ю честну́ю па́мять твою́, да моли́твами
твои́ми сподо́бимся у Пречи́стыя обрести́ благода́ть, е́ще же
непреста́нно воспева́ти Го́споду: Аллилу́иа.

Икос 8

Все вели́чїе чудѣ́с Твои́хъ, Пречи́стая, несть исчи́слити
возмо́жно, егда́ безбо́жный царь Баты́й, разоря́я гра́ды и ве́си
и хра́мы сожига́я, со мно́гою ра́тию прибли́зился и ко свя-
те́й оби́тели Твое́й, Пречи́стая, вни́де въ це́рковь и, обрѣ́тъ чу-
дотво́рную ико́ну, дерзостно положи́ ру́ку на драгі́я ризы,

храм со всем богатством огню предаде, точно один образ Твой, Владычице, цел обретеся и ничимже поврежден бысть. О велие чудо! О, коль дивны знамения благодати являеши нам, Пречистая! Кто не ублажит Тя? Кто не воспоет Твою славная чудеса? И мы, грешнии, со умилением взирающе на святую икону Твою, толь чудесно от погибельного пламене сохранившуюся, со слезами взываем сие: Радуйся, яко купина, огнем горевшая и неопальна пребывшая; радуйся, яко благодать Тебе дадеся силу огненную угашати. Радуйся, в годину напастей и испытаний оставляющая нам святую икону Свою во утешение; радуйся, яко благодатьною Своею угашаеши в нас огонь нечестия пламенем огня Божественнаго. Радуйся, прославившая чудесы икону Твою; радуйся, яко молитвою и лобызанием иконы Твоея вси мы приемлем благодатное утешение. Радуйся, Боголюбивая Царице Богородице, Надеждо и Прибежище наше.

Кондак 9

Все упование возлагаем на Твою благодать, Пресвятая Владычице! Милосердию Твоему несть конца, величие же Твое кто исповест? Предстоящи с мольбою у Престола Всевышняго, коль многое множество чудес являла еси нам, Пречистая, коль дивно спасла еси славный град Москву от грознаго врага Тамерлана, коль чудно объят его великий страх пришествием Твоим в мать русских градов и понуди абие

отступити со всем вои́нством. Не умолчи́м никогда́, Засту́пнице на́ша Пресла́вная, о всех Твои́х благодея́ниях, да не бу́дет под спúдом свет чу́дес Твои́х. И ны́не, предстоя́ще пред пречи́стым Твои́м о́бразом и моля́щися умили́нною душе́ю и сокруше́нным се́рдцем, взыва́ем Бо́гу: Аллилу́иа.

Икос 9

Ветии́ многовеща́ннии не довлéют по досто́янию воспéти хвалу́ и благода́рение Пречи́стей, ка́ко ца́рственный град сохрани́ от татарских по́лчищ. Егда́ вся рать вра́жия отступáше от предéл Москóвских, ца́рь Иоáнн со ско́рбию и слезáми отпусти́ чудотво́рный о́браз Твой, Боголю́бивая Влады́чице, в избра́нную оби́тель Твою́, иде́же со умили́нием и ра́достию неизрече́нною сретóша егó лю́дие, и от ма́ла до вели́ка, вси, прекло́ныше ко́лена, ублажа́ху Тя, Пречи́стая. И мы, сея́ ра́дости мы́сленне причаща́ющесе, Цари́це Небе́сней вопи́ем благода́рне: Ра́дуйся, премилосе́рдая Уте́шительнице на́ша, святу́ю ико́ну да́ти нам изво́лившая; ра́дуйся, от нашéствия враго́в иноплеме́нных нас дивно́ спа́сшая. Ра́дуйся, несокруши́мый щите́ царей на́ших; ра́дуйся, оте́чества на́шего благонаде́жное утвержде́ние. Ра́дуйся, вои́нства кре́пкая защи́то, от мечá вра́жия сохраня́ющая; ра́дуйся, от разоре́ния, плéна и лю́бтыя сме́рти свято́ю десни́цею Твое́ю всех упова́ющих на Тя избавля́ющая. Ра́дуйся, Боголю́бивая Цари́це Богоро́дице, Наде́ждо и Прибе́жище на́ше.

Кондак 10

Спасти́ хотя́ свою́ ду́шу, благочести́вый царь Феодо́р, лю́бвию божественную разжига́ем, до́бре подви́зася, пребы́вая в посте́ и моли́тве, и, вельми́ лю́бяще Боголю́бивую оби́тель, ча́сто ю́ посеща́ше. Едино́жды же с те́плою моли́твою пред чудотво́рною Твое́ю ико́ною, Боголю́бивая Ма́ти, от усер́дия своего́ в дар Тебе́ принесе́ носимый на пе́рсех своихъ честный крест, ка́меньями дра́гими укра́шенный. Взира́юще на сие́ дивное украше́ние ико́ны Твоея́, о Пречи́стая, ра́дуемся вси духо́вно о сем, ка́ко Тя, Цари́цу и Влады́чицу, сла́вят и чтут вси ве́рнии, и моля́щися вопие́м Бо́гу: Аллилу́иа.

Конец ознакомительного фрагмента.

Текст предоставлен ООО «ЛитРес».

Прочитайте эту книгу целиком, [купив полную легальную версию](#) на ЛитРес.

Безопасно оплатить книгу можно банковской картой Visa, MasterCard, Maestro, со счета мобильного телефона, с платежного терминала, в салоне МТС или Связной, через PayPal, WebMoney, Яндекс.Деньги, QIWI Кошелек, бонусными картами или другим удобным Вам способом.